

宋

會

要

禮

凶禮后喪

宋會要

宋會要

昭憲皇后

喪禮

太祖建隆二年六月二日皇太后崩于滋德殿遺令曰
生死者人之常道修短者天之定數考終為福又奚其
悲予年過六旬比多哀病家國之故憂勞積念自春及
夏風氣頻作鍼石備至有加無瘳將盡天年宜申理命
皇帝天資仁孝親侍醫藥衣不解帶涉于數旬軍國事
繁人神所託勉思遠大無過哀毀于瞑目之後宜以宗
社為心更賴群臣共與開釋皇帝成服三日聽政以日
易月一依舊制在京文武臣僚十三日而除諸長官以
上及近臣列校朝晡臨於宮門外諸道州府長吏以下

三日釋服軍人百姓不用縞素沿邊州府不得舉哀釋

服之後勿禁作樂園陵制度務從儉省勉從予志勿用

煩勞

故事皇太后下書曰今稱末土人之制首云皇太后敬問其位惟太上皇書曰詰稱予今昭憲下詰

復稱予孟學士之誤也是曰帝行服於滋德殿三日文

武群臣入臨四日大欽攢於滋福宮百官成服中書門

下文武百僚諸軍副兵馬使以上並服布斜巾四脚直

領襴衫腰紅外命婦帕頭帔裙衫五日太常禮院請文

武百官臨三日後更不入臨每日入朝不立班小祥及

祥禫除日並赴滋福宮臨移班少東奉慰又進名奉慰

皇后緣百官既已除服不臨外命婦進殿慰皇后朔望

日百官進名奉慰又准禮例合權停太廟時餐及中小

祠俟山陵畢服復舊從之是日宰臣范質等上表請聽政

表三上七日詔答允八日以樞密副使趙普為山陵

按行使又命內客省使王贊司天監趙修已同往按行

九日帝見百官於紫宸殿門太掌禮院言皇后燕國

長公主高氏皇弟泰寧軍節度使太嘉州防禦使光

美並服齊衰三年准故事合隨皇帝以日易月之制二

十五日釋服二十七日而禔除畢服吉服心喪終制從

之十四日百官釋服十九日有司言請以今年十月

十六日祔葬安陵從之二十三日太常少卿馮吉請

上尊謚曰明憲皇太后詔恭依謚曰臣聞謚所以知行

號所以表功功大者播之無窮德厚者傳之不朽唯詩

人之詠本王化之基姜嫄發后稷之祥太姒興武王之
業祖宗之慶今古相沿恭惟大行皇后沙麓儲靈塗山
孕粹恢張陰教表正人倫化行而九族惟和法正而六
宮承式事光彤史美溢椒塗母儀方耀於庶邦仙馭俄
聞於厭世禕衣褕翟即成原廟之遊蜃路龍輶將祔霸
陵之寢奠期定諡斯曰舊章謹按謚法照臨四方曰明
聖善周達曰憲請上尊謚曰明憲皇太后使十四日命
宰臣王濤為山陵使太常卿邊光範為禮儀御史中丞
劉溫叟為儀仗使兵部尚書李濤為鹵簿使端明殿學
士知開封府事呂餘慶為橋道頓遞使又詔王濤攝
太尉持節導梓宮題冊寶監鑠元宮工部尚書竇儀攝

司徒率捧紫宮官奉升大升舉又引梓宮即元宮又攝
司空復土九錘左練議大夫崔頌攝侍中奏請衛駕御
龍輜及沿路奏進發及陵所奏翟車進發中書舍人扈
蒙攝中書令讀哀冊文攝禮部侍郎奉謚冊寶哀冊等
案大常丞呂端著作郎馮正右贊善大夫辛文悅安守
鱗與策舉冊秘書監張鑄授哀冊謚冊太府卿衛融奉
幣太子詹事尹拙攝少府監進龍輜陳明器幡翼又攝
將作監捧梓宮登龍輜魚鑠元宮太常少卿馮吉帥執
翼者障梓宮太常丞呂端攝監察御史監鑠元宮太常
博士和峴通事舍人王信並分引行事尚輦奉御寧仁
裕押腰輿又攝尚衣奉御捧衣箱置輿中宗正卿趙矩

充九虞及掩元宮饗官少卿趙洙祭望柘城及陵左后
上著作郎馮正題虞主中書舍人扈蒙題神主 二十
五日太常禮院言吉凶儀仗準詔減省數目今除兵部
鹵簿儀仗太常寺鼓吹太僕寺翟車從車等殿中省輦
與緞扇法物中書省謚冊哀冊法物門下省謚寶綠寶
法物外其凶仗大升舉舉士五輜車挽士二哀冊車謚
冊車謚寶冊車為森車車香輿重車焚於城銘旌車買
道車方相車十車並駕以白幟弩素信幡各一錢山與
黃白紙帳各二暖帳下帳千味臺盤各一拂森二鐸翼
各八挽歌二十人花釵禮衣一副梓宮儀櫛各一夷衾
一障梓宮翼十二十二時神當壙當野祖明祖思地軸

各一贈玉一包牲與三倉瓶與五穀與各一招幡二十
衣物與音聲隊白幕像生車檐馱馬各二十羊二園器
物五十刻木控鶴宮內人二十神御帳一牀倚四副屏
風掩障宮城園苑各一懸車三望令少府監修製從之
七月八日太常禮院言準詔議定皇太后謚按唐憲
宗母王太后崩有司集議以百官謚狀讀於太廟然後
上之取受於祖宗之義也周宣懿皇后謚號即有司撰
定奏聞未嘗集議制下之日亦不告郊廟修謚冊畢始
告廟還讀於靈座前詔從周制 十九日太僕寺言啟
損宮啟奠祖奠遠奠使續二詔悉改用羊 八月七日
詔應諸司寺監合差園陵事官等宜一半差在京前資

州縣京官黃衣人一半差本司職掌如本司不足即取別司人充並取次三選已上者如逐司行事官不足即並令通攝仍令逐司點檢出身歷任書解由歷于分明方得差補 九月六日群臣奉謹冊寶告于太廟翌日

上于滋福宮

冊文

禮畢群臣詣滋德殿門進名奉慰

二十七日藩侯郡守以山陵有期各貢物來助 十月

十三日啟攢宮群臣服初喪之服詣滋德殿門進名奉

慰十五日帝啟奠于梓宮百官入臨升梓宮于龍輜祖

奠徹帝從出明德門百官敘班梓宮升輿設遣奠中書

舍人扈蒙讀哀冊

冊文

帝哭盡哀而退十六日葬安陵

群臣詣西上閣門奉慰虞主至迎安于滋德殿 十一

月四日神主祔太廟宣宗祖室禮畢群臣奉慰乾德元年

十二月二十三日詔改卜安陵于河南府鞏縣事見安陵門

二年二月二十五日禮儀使言明憲皇太后改諡昭憲

所有諡冊寶按唐朝故事加諡則冊文不改今改上尊

諡與加諡之禮迥殊其諡冊寶合重修製緣定諡號時

太尉已曾率百僚告於太廟昨改題神主又已差官告

其重製冊寶欲候至啟靈日遣太尉上於神座更不告

廟從之三月二十五日命攝太尉開封尹舊太宗名奉寶冊

改上尊諡曰昭憲皇太后攝中書令讀于陵次冊文曰

哀子嗣皇帝臣御太祖名再拜上言恭以厚載配天作沴則

六幽潛震太陰僂日薄蝕而重輪乃昏稽象緯之無私

諒浮休之有數粵自謳訶允屬厯數在躬火德應於皇家天命隆於宋祚諸侯率服既革故而鼎新百辟樂歸遂遷虞而事夏昏稟奉於慈訓致宸區之大同寢門方慶於三朝靈府俄生於六疾邦家寡祐藥膳俱違捧遺誥以哀摧遵治命而負荷日者兆非利往義取隨時權遷座於近郊祔安陵之元寢今則祝史告吉今_也有徵開大室之上腴遵穀林之故事驚輅前引龍輜對昇九達之翊衛雲屯萬靈扈蹕同執之吏民廣至八極銜哀山靈而楚挽酸辛野靜而漢儀嚴肅詔司空而復土命大匠以它徙珠襦將闕於無窮玉簡宜編於茂實於是會宗伯詢禮官徵懿行以擁神休易鴻名而告清廟聯

宣考之一字于以脩舊章明作憲於萬邦于以垂永伐
尚虞徽稱未盡孝思群議僉同豈敢失墮對典冊以增
歆服勛勞而固極謹遣攝太尉特進檢校太尉同中書
門下平章事開府尹舊名太宗奉寶冊上尊諡曰昭憲皇太
后景行光顯聖靈鑒昭祔輦翟於軒臺終天無恨奉晨
昏於長樂畢世難期攀慕寃號歿遽何已二十六日啟
故安陵二十七日靈駕發引攝太尉開封府尹舊名太宗行
遣奠讀哀冊冊文曰維建隆二年六月二日大行皇太
后崩於大內之寢殿旋殯於滋德殿之西階粵以乾德
二年四月十六日遷祔于安陵禮也玉座塵飛銅壺漏
咽儼龍輶而將御顧總帷而日徹九仙哀慕以聲疊駟

馬悲鳴而仰秣旌旄悠揚笙簫怨絕金鑪再鑿兮香為
灰玉卮三奠兮淚成血哀于嗣皇帝臣太祖痛地維之
絕紐歎月窟之淪光方荷變家之慶咸期饗國之長吳
天不屆叩地無彊從蒼梧之曠野開猗連之畫堂違綵
御之列侍儼弔靈而在旁順大鈞之委化貫一氣以無
方惟令名兮不朽垂億載兮彌光其詞曰堯為唐侯保
姓垂祉晉主夏盟因封易比堂堂杜北我祖之始貽厥
無窮聿修不墜漢晉后族唐梁相門功藏汗簡澤流裔
孫天贊興運地發洪源嬪我皇考垂裕後昆法姁汭以
禪堯因塗山而啟夏顧歷數之在躬念名器之無假慕
黃老之慈儉道豈遠而繼任如之謨猷孰為難者毋儀

是則王道勃興奉慈顏而不遺獻壽酒以如渑濟天就
養任土咸徵奚大年之不永疑陰陽以難憑駭積壤之
告圻籌繁陰而弗開奚軒星之遽隕隨逝水以無迴寃
號萬乘震蕩九垓波弋香兮是不是甘泉魂兮來不來
嗚呼哀哉肯採珠之遠水面檢玉之崇山睇斜陽於邦
鄢鏢宿霧於輾轅牢木蕭蕭兮成列耘鳥翩翩兮自還
漆燈有焰千年碧銀海無波萬古寒嗚呼哀哉暈翟在
銜精與何之留彤管之遺訓乘白雲而不歸會化石之
啟母訪鼓瑟之湘妃粧臺蘚蝕菱花缺蠶館桑濃戴勝
飛嗚呼哀哉內令罷書元宮永闕七廟及筵兩朝圖史
玉衣既掩九原之煙靄淒涼金輅徐還一代之榮華已

矣嗚呼哀哉

四月九日安陵掩皇

唐

宋會要

孝明皇后
孝惠皇后

太祖乾德元年十二月七日皇太后崩於滋德殿
八日文武百官入臨於宮庭太常禮院言皇帝初發哀
服布羅服加布斜巾帽首經絹襯服公主布帋頭帔裙
衫首經襯服皇帝七日而釋内外文武官三日而釋外
命婦就本家成服内外禁音樂群臣百官釋服後不入
朝至皇帝釋服日並入詣西宮門外進名奉慰成服後
群臣日一臨退易常服出宮城去金銀帶魚袋從之
二十五日命樞密承旨王仁瞻為園陵按行使時議改
卜安陵於鞏縣并以孝明孝惠二皇后陪葬安陵又命
内侍二人分為園陵監護使皇堂之制下深四十五尺
上高三十尺陵臺再成四面各長七十五尺神牆高七

尺五寸四面各長六十五步南神門至乳臺四十五步高二丈三尺吉仗用中宮鹵簿凶仗名物悉知安陵而差減其數別有重車招幡 孝惠皇后梓宮初奉於故安陵幄殿上謚冊不設鹵簿其凶仗如孝明之制稍減其數 二年正月七日太常禮院言按唐會要元和十一年順宗皇后王氏崩謚曰莊憲初太常少卿韋纁進謚議公卿集定欲告天地宗廟禮官奏議曰按曾子問賤不誄貴幼不誄長禮也古者皇后之謚則讀於廟江都集禮引白虎通曰皇后何謚謚之於廟又曰皇后無外事無為於郊所以必謚於廟者謚宜受成於祖宗故皇后謚成於廟請準禮集百官連書謚狀訖讀於太廟

然後上謚於兩儀殿今孝明皇后上謚望如舊禮詔令
尚書省集官議定以聞 太常卿邊光範上謚議曰歷
觀彤史眇覲皇闡咸推中饋之賢以輔興邦之運塗山
之隆有夏姜嫄之王宗周雖婉孌於椒塗能經綸於草
昧其或烏瞻缺耀丹壑遽移長秋之屬仍存闕翟之徽
容永閔得不望北郊而灑涕臨南面而不怡將據黃屋
之情唯獻曲臺之謚恭以大行皇后瑤閭襲慶星婺降
祥生知陰教之文宿值坤儀之道爰自嬪於朱邸瑞我
皇家望雲預識於勃興求劍偏鍾於聖念暨化家為國
類帝裡宗十四位之嬪嬙皆師禮法三十言之道德刻
意薰修纔踰笄總之妙齡已類著龜之道鑒思賢諫字

昌言過補袞之臣長樂深宮妙曆盡先姑之禮永言福
履何止期頤胡天理之混同繆人倫之報應禔壇告慶
俄成柝館之悲桂魄沉暉無復行宮之揖九有悽酸於
中壺六宮號噎於內朝方士帳中寂歷之香魂不返甘
泉壁上平生之畫像空存何殫當宇之懷但擬易名之
典謹按謚法法度明大曰章慈和遍服曰順請謚曰章
順皇后尋改謚曰孝明 二月十五日禮儀使扈蒙等
奏議曰白虎通云后夫人謚於廟臣子共定謚白之於
君然後加之婦人天夫故但由君而已唐順宗王皇后
是憲宗之母其時禮官遂行賤不誅貴之文讀之於廟
是受成祖宗也今詳后夫人者有太后也若不尊卑異

制終恐禮意未然欲請凡母后之謚則定於廟而讀之
仍合賤不誅貴之意皇后之謚取天夫之義自君之命
可也其孝明孝惠謚號俟百官定議判下後行冊之前
止命官告太廟告訖上於靈座又與周宣懿皇后禮例
並同於義稍允又准禮例掩皇堂畢陵下設第一虞奉
神主回京沿路間日而虞九虞祭畢擇日祔廟周宣懿
皇后以十月二日掩皇堂神主至京於四御莊權住每
日一虞或一日兩虞至八日祔廟國朝昭憲皇太后以
十月十六日掩皇堂神主迴至滋德殿皆間日而虞至
十一月四日祔廟今請如昭憲故事間日而虞至西御
莊權安神主俟四月二十六日祔於別廟從之 十六

日太常禮院言准詔問孝惠皇后改葬合造虞主及得與孝明皇后同祔謁太廟可否按開元禮及五禮精義改葬無虞主只於葬所西南設一虞祭今詳孝惠皇后不合更造虞主緣准敕與孝明同祔別廟欲請止俟祔謁廟前俱造神主各題謚號又按唐先天元年祔昭成肅明二皇后神主於儀坤廟詳酌故事雖無同謁太廟之文且有同日祔別廟之禮以此比類同謁為宜欲請奉二后神主同祔謁於太廟從之十七日禮儀使言宣祖靈駕與孝惠皇后靈輿自故安陵發引同日孝明皇后靈駕自內發引其吉凶儀仗至城西御莊西合路今請孝明靈駕俟至御莊西少俟宣祖靈駕至孝明監

護使詣宣祖前跪奉孝明皇后王氏奉見俛伏興退大
升輿上路依次而行其儀仗並相參行列從之 二十
五日禮儀使言孝惠皇后諡冊伏緣追諡以來未嘗告
廟今詳酌欲與孝明皇后同日告於太廟其諡冊亦候
啟陵日遣太尉上於靈座從之 三月二十六日遣攝
太尉開封尹太宗名奉孝惠皇后諡冊實告於幄殿 冊
文曰皇帝若曰克女嬪於媯汭配聖興虞啟母出於塗
山克勤翼夏盛德如在往牒流芳致應錄以受圖內自
家而刑國昔予良配實齊功於古人悼彼柔儀早沉光
於曉魄自慶垂我祖運啟爰靈雖追遠之思尋稽典禮
當卜遷之日爰奉徽名皇后賀氏柔順積中英華發外

蘊含章之具美出積善之華宗魚尾學於女師麟趾得其婦道端莊容止斯和珩珮之音浣濯衣裾不貴珠璫之飾而自其昌叶吉先近有言羞榛栗於舅姑薦蒸嘗於祖禰奢約中度溫清承顏肅雍播於四時愛睦於九族洎謳謠有屬清明在躬念王風而樂在進賢知神器之俯將授聖隆公宮之爲行致靈臺之積勞祺祥莫會於神祇蘭茝例周於霜霰嗚呼年紀云遠圖牒彌光撫牒壽原著兆克昌於改卜悠悠貞魄芝焚永隔於和鳴乃命禮官具陳脩物錫鏤金之冊百行斯全揚如玉之音千秋永茂謹遣使攝太尉檢校太尉同中書門下平章事開封尹

太宗舊名

冊諡曰孝憲皇后良史序美樂工登

歌佩玉之清音寂寂堅金之懿範我我嘆逝云遠積慶
攸多皇極之建繁衍清廟之頌猗那綿天長兮地久永
保合於太和嗚呼哀哉又遣攝太尉門下侍郎平章事
趙普奉孝明皇后謚冊寶告於攢宮 冊文曰皇帝若
曰惟王居尊立后作配治行教於內故六官率職德教
流於外則四海承風是故功如莫山亦資啟母之聖仁
如解網實賴革妃之賢其或沴氣屬於四星窮數繼於
三翟空遺惠問永謝徽音易名將示於千年考行宜旌
於五可皇后王氏天鍾善聖生稟柔明幼彰偃月之奇
夙契倪天之異游心圖史節步珩璜自師氏之發祥由
公宮而著美稱詩化下國風為王政之基率禮居中內

則繫人倫之本。洎乾亨而開景運。資德以贊昌圖。宮號
長秋。斯隆繫衍。車如流水。所誠奢豪。黃琮自比於正規。
彤管每書於景行。恩推褒紀。尋為宗族之光。道盛嬪虞。
方永國家之慶。俄而桃李速謝。椒掖長捐。空膺沙麓之
期。永垂懿範。不遇蓬丘之藥。寧返清魂。天道遠而莫知。
陰陽定而無柰。公桑秀綠。誰從璽館之儀。熬穀焦黃。遽
及壽宮之葬。有司獻議。列辟同辭。宜允至公。永彰大行。
今遣攝太尉門下侍郎平章事集賢殿大學士趙普冊
謚曰孝明皇后。周公之法。垂彝典以攸遵。太妣之名。與
冊書而不朽。臨文悼往。言不勝情。嗚呼哀哉。禮畢。群臣
奉慰。 二十七日。孝明皇后啟。攢宮群臣服初喪之服。

臨於庭 二十八日孝惠皇后神柩自幄殿發引有司
行祖奠攝中書令讀哀冊 冊文曰維乾德二年三月
二十六日啟孝惠皇后之陵以四月丁卯朔九日遷座
陪塋於鞏縣之南改卜安陵禮也帝宅區中孝治天下
符靈龜之吉兆命青烏之相者改卜園陵茂植松楸奉
易名之寶冊遷於九原御載主之金車遠逾十舍爰告
先后聽茲祝嘏辭象闕以啟行祔龍輶而夙駕重郁汭
周網練從夏靈筵肆設慘行色於萬人哀挽一聲起悲
風於四野緋引斯發素幃將徹永懷悼於皇情直筆揚
其休烈其辭曰惟后之門清望發源惟后之美彤管立
言嘒星之行偃月之顏婉兮正順禮以防閑始問名於

甲族終作配於塗山主祭燕嘗問安晨有夙興夜寐冬
溫夜清養慈顏而有方同薰風之不競淑問汪汪小心
翼翼樂樛木之惟言念桑桑之女績食不求甘裝不務
飾昔維或躍在淵肇基王跡謳謠雖洽於外言輔助允
由於內則非禮弗動常樂善以進賢有開必先果變家
而為國二南於以登歌六親用之作式憂人之憂利人
之利神宜福於遐齡波忽驚於長逝洎朔頒鳳歷洛出
龜書惟孝通於神明真懷罔極以禮奉於祖考必本於
初改卜玄宮於羣洛備陳明器於塗葛乃遷賢后祔於
皇姑嗚呼哀哉閱水興嘆因山飾終利正萬祀歡款六
宮織室桑壇圖練綳而垂訓金堦玉城空繪素以為容

速何速於過隙傷莫傷於淒露月晦缺而望圓花秋彫
春茂留德音兮孔昭問貞魂而無處嗚呼哀哉維嵩之
北清洛之南前峻嶺兮虎鷹其地左長流兮龍偃其潭
望壽原兮撫撫旼綃幕兮綵綵雲不疑兮慘白日人不
忍兮廻素轡嗚呼奉嬪之則含章之德王風被於殊隣
瘞推蘭兮冥冥封泥芝兮刊勒泉隄斯篇柔明永息積
餘慶以祚皇家饗牲牢而傳無極嗚呼哀哉 孝明皇
后神柩亦自滋德殿發引帝於明德門外素服設幄殿
行道奠之禮攝中書令讀哀冊 冊文曰維乾德元年
十二月七日孝明皇后崩於滋德殿以其月庚寅殯於
殿之西階粵二年三月癸卯遷座陪塋於西京鞏縣之

安陵禮也。宮漏將曉，殿帷徹，素奠玉尊之餘，酌移金缸之殘炷，階進龍輶，仗隨鸞洛，命婦咸臻，而景從內親。如初而孺慕，自永巷以長辭，由閭門而遠逝。皇帝撫漢劍以悼往，瞻軒星而念忘，長秋閱其無人，天姿慘慘，羽葆御而不邁。聖心惶惶，詞臣奉詔，恭述遺芳，其詞曰：輕清為天，沉潛為地，陽曜垂照，素靈攸灑。乃命以后，作配於帝，所以往聖刪詩，用茲首關，睢之義前，王制禮於斯創。人倫之始，在昔龍德，或躍鳳兆，爰符門崇，闕闕族茂，膏腴占淮，契乎遐福，遷晉賴於嘉謨，紛綸軒冕，赫奕彤螭。乃生聖範，合此昌圖，契塗山之佐，夏叶瀉汭之興，虞清風允穆，淑問誕敷，柔順化人，皆除妬媚，幽閑慎獨，不願

遊娛常滋蘭畹以撫椒塗至仁加於群族大孝奉於先
姑六宮以和八妾以滿奉嚴裡於清廟勤率絃經體光
生於方祗教先種粒儉取葛覃仁遵樛木聞三英之綏
帶則載悅載忻願百子之寢床則以鞠以育方集克門
之慶永祝華封之祝嗚呼哀哉毓德雖高降年不永神
徒罄於禳禳天何深於災青渚公周効彭尸作梗浮生
易化英延祐於大期陰陽難知遽收華於短景復衣篋
兮不開仙輅往兮莫廻捐沉沉之紫掖遊杳杳之丹臺
嗚呼哀哉龜策叶吉龍輜用遷茹簫鳴咽仗衛駢闐侍
先皇之弓劍從太后之弓劍弼新成之山煙幕幕去途之
野草綿綿伊洛縈迴於封外高山巉巖於闕前念徽音

之遠矣惟此地之終焉嗚呼哀哉 四月九日葬孝惠
皇后於安陵之西北孝明皇后於安陵之北群臣奉慰
二十六日奉神主祔於別廟群臣奉慰 太平興國
二年五月十九日孝明皇后神主升祔太廟太祖室

宋會要 孝章皇后

太宗至道元年四月二十八日開寶皇后宋氏崩輟朝
五日先是后疾甚遷燕國長公主之第即日崩 二十
九日太常禮院言准禮例合差官奏告天地社稷太廟
從之 五月一日太常禮院言親王宗室準式合給假
七日以喪日為始從之 三日太宗出次素服舉哀皇
親皆服群臣詣崇政殿門奉慰 六日命翰林學士承

旨宋白議謚號禮部侍郎兼秘書監賈黃中撰謚冊文
吏部侍郎李至謨哀冊文直祔閣潘慎修書 十四日
大常禮院言權橫日請依恭孝太子權殯禮例輟朝一
日群臣進名奉慰從之 初議卜陪葬永昌陵司天言
是歲在未陰陽所忌故權橫於涉臺 十七日命給事
郭贇充監護使入內都知李神福都大監領喪事六月
六日翰林學士承旨宋白請上謚曰孝章皇后 議曰
臣聞后妃之德王化所基詩曰以御邦家禮曰以聽內
治統六宮而立教叶兩曜以齊明嫺汭嬪虞光啟重華
之運塗山翼夏遂成文命之功昭示母儀流芳女史輔
佐之美圖牒彰聞恭惟開寶皇后柔順利正肅雖逮下

挺生公族號金冠以承家作配先朝獲玉衣而表異彤
庭鉛砌不移儉約之心織室蠶宮每盡躬親之禮夫何
景靈不祐六氣生災疾有加而無瘳壽降年而不永奄
辭椒掖悲動璇宮今皇帝追感天倫愴懷壺則輟紫宸
之朝謁御素服以發哀爰命禮官俾旌懿範下臣奉詔
敢揚徽烈謚者行之跡也號者功之表也節以一惠謚
以尊名將符善行之祥宜舉易名之典謚法慈愛忘勞
曰孝溫克令儀曰章伏請謚曰孝章皇后 詔尚書省
集官議定準禮例中書令讀謚冊於靈座 冊文曰皇
帝若曰恭以定謚考終褒德揚善格言之制歷代攸遵
開寶皇后爰在先朝正位中壺儼日呈曜如肅魄之示

冲配乾成儀符坤厚以載物賁河州之令範顯沙麓之
殊祥節環珮以叶和鑒必循法度服辭濯而遵大練動
誠奢盈逮下以推仁體道而育物鴻圖有耀翠螭豈獨
於娥英茂族聯華白水徒稱於陰郭理內之風正九族
用國之望和萬邦六衣在御居極而若靈三妃成列進
賢而無怠翊昌運卜年之祚光前經內則之文桂華忽
謝於陰靈蕙路載盈於椒閭固以溢美圖史流芳鍾右
今禕瑜將祕龜筮同盈脩物夙陳祖庭供事仗衛慘容
於雲日園林變色於雲霜舊禮具存徽容不昧合詢有
位之公議恭薦易名之大典謹遣使某官冊諡曰孝章
皇后伏惟允膺簡冊垂休無疆嗚呼哀哉 七月十四

日太常禮院言凶仗合用皇車三兩請下少府監製造
從之 八月十二日太常禮院言今年十一月十二日
靈駕發引赴安肅門外權攢準詔鹵簿儀仗減大駕之
半內左右廂合設牙門旗四得金吾仗牒稱儀仗內元
無牙門旗只有紅門旗係南郊吉仗所用按詳禮文牙
旗者後周所制畫獸以助軍威名以牙爪之義今請依
禮改製牙門旗以脩儀仗應奉從之 十月二十一日
太常禮院言十一月一日啟攢宮十二日權攢歌望並
放朝叅群臣進名奉慰詔可 二十三日詔三館直館
安德裕等二十五人各撰挽歌十首 二十四日太常
禮院言將來權攢去路十里內祠廟合差官祭告從之

二十九日太常禮院言自啟攢至遣奠逐祭儀注詔
啟攢宮啟奠祖奠遣奠四祭並遣監護使郭贊攝太尉
致祭其日仍止令皇親已下立班百官只城外立班
后自入宮即有中宮之號然未降制命故喪儀咸有降
損十一月一日以啟攢宮不視朝群臣奉慰十二
日以靈輅發引有司行遣奠之禮攝中書令讀哀冊
冊文曰維至道元年歲次乙未四月丁卯朔二十八日
甲辰開寶皇后崩於別殿諡孝莊皇后粵十一月癸卯
朔十二月甲寅將遷座於陵臺禮也攢塗夕開象物展
備帷慟縞衣轅悲系驥皇帝敦睦日深孝悌天至望蒼
野以永懷感陰宮而特異祖於庭兮嗟尊靈之寢遠諡

於廟兮考彝章之有自爰命下逮式揚遺懿其詞曰烈
烈太祖功高舜禹日月其文雷霆其武造我皇宋臨茲
率土眷後宮之虛位期陰教之稽古將苻菜之化供庶
桃夭之斯覲配于乾而且兩詢其可而惟五微子遜胄
漢氏遐孫乃忠乃孝為藩為垣貂蟬奕奕祭戰盈門金
張孰擬田竇奚言慶既未央善不徒積神覆玉衣夢懷
桂魄瑞集氣黃喜桐空碧宜產夫人衣茲褕翟修德忘
勞逮下無艱茅苴同芳葛覃擬迹樂親蠶而嘗往鄙戲
馬以寧窺抑宗親而示戒服幹濯以從宜率宮中之嬪
則化天下之母儀詎假大家之誨寧煩女史之規信人
倫之是憲實王化之攸資洎宸駕上仙璇宮居默參樂

自刑亡珠誰匿蠲脂澤之公田安練裳之儉德希任姜
兮比隆尚黃走兮臻極唯駐景兮弗能歆後天兮莫得
嗚呼哀哉玄墀將去素奈先開葉椒蘭兮奄忽委嬪御
兮徘徊收玳簪於漢殿遺寶鑑於秦臺杳何之兮岱嶽
邈不見兮蓬萊嗚呼哀哉永巷吁嗟長秋宸送望驚輅
兮含酸奠犧爵兮增慟去復去兮生若浮悲且悲事如
夢緬遺蹤兮昔也濯龍背雙闕兮依然丹鳳嗚呼哀哉
月明宮掖風迴殿扉耿蘭缸兮悄悄虛玉座兮依依像
設儼兮如在雲雨淒兮不歸來何難兮輜輶降往何易
兮朝露晞嗚呼哀哉咽薤唱於山園慘松煙於隧路覩
昭代兮何年即玄扁兮長暮嵩雲黯兮野日沈羣木撼

分寒吹度唯懿範之不忘播關雎之章句嗚呼哀哉是
日帝輟視朝群臣拜送於安肅門外皇太子及諸王戚
里藩鎮皆設祭於道左 十二月九日太常禮院言園
陵禮畢神主回行謁廟之禮祔於別廟詔可 二十九
日太常禮院言來年發引應經過橋道及十里內神祠
並合差官祭告園陵畢神主廻行九虞祭從之 二年
三月二十三日太常禮院言孝章皇后故許王及夫人
李氏魏王夫人王氏楚王夫人馮氏皇太子亡妻莒國
夫人潘氏將軍惟正亡妻裴氏以來年正月二十日陪
葬永昌陵謹按故事孝章陵皇堂陵臺神腦乳臺鵲臺
並如孝明園陵制度其許王贈皇太子按唐禮合以陵

為名又緣淳化四年出塋之時止用親王鹵簿今請墳
高一丈八尺墓田方九十步其王氏馮氏並同親王一
品例裴氏北三品例墳高一丈四尺墓田方七十步其
誌文緣既改遷望重修撰其許王合用親王鹵簿緣陪
孝章靈駕已有中宮鹵簿儀仗前導望更不施設其楚
王夫人馮氏仍令依裴氏例安塋在莒國夫人之下從
之 十二月六日太常禮院言吉凶仗按舊儀合用內
僕令一員內謁者監四員給事二人於吉仗內騎分左
右內常侍二人奉請神駕詣龍輜及請進發內侍二人
陳明器玄纁及監纁并捧衣箱導神駕內侍伯二人騎
分左右來翟車並請於內臣內差攝其內給使百二十

人去年出京權櫬之時曾差應奉雖禮文具載然別無
執掌園陵往復虛成煩擾今請罷差從之 三年正月
二日啟櫬八日發引並輟視朝群臣詣閣門奉慰 二
十日祔塋永昌陵之北二十三日虞主還京宰臣文武
百官拜迎於順天門外虞祭於燕國公主第 二十四
日命知制誥王旦攝太尉行祔饗之禮工部員外郎席
義叟題神主鹵簿減半自主第導至廟 二月二日神
主附別廟群臣詣閣門奉慰

宋會要

元德皇后

真宗至道三年十二月五日制曰朕獲纂洪圖仰懷慈
訓式遵茂典誕舉徽章太宗皇帝賢妃李氏輔佐先朝

發輝內則柔明之範圖史芳傳顧惟涼薄之資敢忘劬
勞之德追崇禮秩用慰孝思追上尊號為皇太后十
七日太常禮院上言準制追尊故賢妃為太后改奉園
陵請令司天監卜地揆日宗正寺於皇后廟別立廟堂
從之真宗咸平元年正月九日祕閣校理舒雅請上
尊諡曰元德皇后詔恭依議曰恭惟皇太后沙麓儲
祥河州襲慶早習姆師之訓茂揚邦媛之風言德具修
圖箴是憲爰被長秋之選克彰象服之宜志在進言恩
均逮下服斡濯而崇儉謹珎璜而慎儀協贊戚藩表正
帷壺兆殊祥於甲觀揚淑問於塗山慶奉天飛榮疏封
邑主帝聞之陰教載女史之徽猷奄忽不停先儀永謝

皇上由宸宮而毓德升皇極以養我祗荷慶靈永懷顧
復孝思罔極典冊脩陳稽文母之功早參於十亂遵帝
謨之制夙正於四妃爰加長樂之稱以報昊天德易
名斯在節惠可稽謹按謚法茂德玉績曰元忠和淳淑
曰德伏請上尊謚曰元德皇太后 十四日知制誥王誥
王禹稱上謚冊文詔付所司 二月一日司天監言準
詔改卜園陵請以三年庚子三月二十日啟櫛宮二十
五日發引四月八日掩皇堂祔塋永熙陵從之 二月
五日太常禮院言今月十二日元德皇太后忌請準禮
例皇帝前一日不視朝至日群臣進名奉慰就佛寺行
香詔恭依 二年四月二十三日命西京作坊副使藍

繼宗為按行園陵使議立靈號太常禮院言唐德宗昭
德皇后王氏順宗之母始塋崇陵睿宗肅明皇后始塋
惠陵後祔塋橋陵周顯德末都省集議引故事帝后同
陵謂之合塋同塋兆謂之祔塋漢呂后陵在長陵西百
餘步以同塋兆而無名號又唐穆宗二后王氏生恭宗
蕭氏生文宗並祔塋光陵之側今園陵鵠臺在允熙陵
封地之內恐不須別建陵號從之 六月二十六日知
制誥梁周翰上哀冊文詔付所司 三年二月七日太
常禮院言啟攢發引赴園陵合用挽歌請下文班各撰
二首太常禮教習從之 八日宗正卿趙安易言請因
元德皇太后山陵之時并懿德淑德莊懷皇后各就舊

位塋園改卜陵臺司天監狀葬範云因函亦可大葬諸
喪今因園陵增修陵臺並吉詔可 九日命宰臣李沆
為園陵使翰林侍讀學士夏侯嶠為禮儀使御史中丞
魏庠為儀仗使刑部侍郎郭贄為鹵簿使工部侍郎權
知開封府錢若水為橋道頓遞使 初禮官請如孝章
故事差監護使一員特命三使 十一日太常禮院言
靈駕發引舊例自京至陵下十頓蓋緣梓宮舊攢晉安
院其發引後望止為九頓其神主廻程為五頓入京權
於燕國長公主宅安置只設啟攢宮啟奠三祭更不設
祖奠又故事改卜只設一虞今緣神主未升祔廟室欲
請備設九虞祭畢升祔廟室從之 十九日太常禮院

言啟攢未發引前一日合差官奏告太廟并告沿路十里內祠廟從之二十日禮儀使夏侯嶠言按開寶通禮改塋服總麻舉下緇也總麻是五服之下言君子不以死事視親故無反服重之禮又禮疑義載德云制總麻具而塋塋而除謂子為父妻為夫孫為祖後餘皆吊服又云改塋前一日子孫妻妾俱服總麻塋餘親以下皆素服今參詳故事伏請皇帝服素羅衫紗軟脚幞頭黑銀腰帶皇后碧羅帕頭帔白羅寬袖衫浹黃縠子裙諸王以下並白羅衫吉幞頭角帶群官常服詔楚王諸子服總麻諸王皇親諸親止素服諸王夫人及公主並常服不施花釵餘如所請三月二日禮儀使言準儀注皇

帝二十五日乙持挂服同時皇后挂服準禮例成服後
並合赴靈座前祭奠今緣靈駕就時辰發引行事臣僚
俱在攢庭欲請其日未挂服前皇后先詣奠酌候時辰
成服以從便宜又皇帝親行遣奠府準禮例群官並
隨從立班舉哀今緣皇親諸親止素服群官常服欲望
其日只令皇親諸親陪位行禮群官止於門外立班候
禮畢進名奉慰又露駕在路准禮例扈從押當行事官
並合哭臨今緣各衣吉服望每至頓所只以隨從皇親
哺奠一舉哭而退又發引准禮例文武群官並合於京
城門外立班奉辭掩皇帝日神御升榻安置訖宗正少
卿素服導靈主降羨道入皇堂於神榻前奠酒再拜訖

跪奏請神上主並請依故事施行從之 三日禮儀使
言按建德二年改卜安陵故事自啟櫝宮前一日直至
掩室堂日神主到京及祔廟日並皇帝不視事令請啟
櫝宮發引掩室堂神主回京祔廟前後各一日不座並
禁音樂其日中書門下文武百官並詣西上閣門或所
御幄門外進名奉慰從之 六日禮儀使言靈駕經過
州縣官吏並吉服出城奉迎并辭再拜訖退神主到京
日中書門下文武百官立班奉迎再拜訖退從之 七
日禮儀使言準禮例神主祔廟日先祔謁太廟置於祖
姑之室東壁下祔禱之上宗正卿行安神之禮伏緣元
德皇太后以太子尊親遂立別廟則祔謁之典於禮無

文況當禘祫之時不預合食之列饗於本廟自與太廟
禮同其將來神主祔廟前三日欲請差官奏告天地社
稷太廟并后廟四室其神主便詣本廟南神門外題主
訖遷祔本室仍以常饗禮薦獻行安神之禮詔恭依
十五日有司祔廟因簿請減園陵之半詔勿減 二十
日啟櫛宮帝親臨奠群臣奉慰是日有司奉誦冊寶告
於靈座攝中書令梁周翰讀冊冊文曰孝子嗣皇帝臣
顯宗謹再拜稽首上言伏以孝莫大乎顯親德莫厚乎
追遠生有懿範未止於尊稱歿有徽章式光於幽壤易
名考行斯為舊典仰承鞠育之重永懷霜露之歎敢敘
罔極以明孝思恭惟皇太后德合先期功存內治肅穆

以奉上閑和以還下珩璜中節車服有儀循法度以率躬勵慈儉以垂訓輔佐之美流詠乎聲詩婉淑之祐傳芳於圖史音容早謝日月云邁高禩之祀餘慶發祥長樂之宮慈顏永隔貌是眇質紹隆寶圖居萬乘之尊有四海之富而劬勞莫報孺慕增感嗚呼為天下之母弗能饗三牲之養為天下之君弗能奉一日之膳風林不止悠悠彼蒼而況克母之門歸然空作儀坤之廟闕而未立是用申明詔下有司務依故實式展情禮僉謂后妃之制簡牘具存以子貴者春秋之明文加皇太者秦漢之故事所宜按周公之謚旌文母之賢遠徵仲子考宮之儀近取昭成祔葬之禮玉衣象服備物如式九原

可作保斯印綬百代不刊永光載籍謹遣攝太尉奉玉
冊玉寶上尊諡曰元德皇太后伏惟神靈降格膺茲典
禮上配聖考在天照臨保佑沖人饗國長久廟貌蒸嘗
世世勿絕嗚呼哀哉 二十五日靈駕發引帝詣普安
禪院行祖奠及龍輜降殿帝從皇親諸親陪後階哭梓
宮就大升輿復行遣奠奉辭攝中書令讀哀冊冊文曰
維咸平元年三月戊寅朔二十日丁酉追上太宗皇帝
賢妃李氏尊諡曰元德皇太后粵四月乙卯遷座祔於
永熙陵之次禮也翟輅宵陳鷄人曉唱虛庭挈乎祖載
修路儼乎仙伏九重天至以如慕六宮日遠而增愴哀
予嗣皇帝運昌繼體孝極因心荷寶圖之惟永懷慈訓

之下臨事先遠分兆叶志慎終兮感深乃詔近侍恭播
徽音其詞曰皇家積慶昊穹眷命構象膺乾來嬪偶聖
高陽命族厲鄉得姓派別韓魏門傳英偉華轂接軫黃
雲効祉五可夙彰六行純備粵自藝祖揖攘登皇帝尹
京邑表則四方后治閨壺身順含章流虹感粹夢日延
祥塗山誕啟擎氏生昌爰洎神宗承平御厯汾晉邁定
閔吳來格海外憚威域中漬澤輔佐邦治溫柔惠迪登
進時賢勤勞軫惻助饗紫壇奉祠清廟種稔致恭絃綏
盡妙動循典禮式是準繩居翫圖史明於廢興聰厥周
敏顧問允膺節勵清門儉敦素履環珮有聲簪珥防侈
卹隱流惠辭封播美賢以興化世仰餘輝仁則多肯天

胡有違黃祇上隕載皓魄沈暉皇子勝衣受封胙土漢邸
承徽姬宗夾輔維寧攸賴問安莫覩元良肇建萬國以
明地啟蒼震天臨玉京克廣丕構長懷善成德無疆兮
坤元業有開兮聖嗣承天道兮慶其長故帝緒兮昌而
熾壽觴稱慶兮養莫伸脂澤增感兮哀靡寔嗚呼哀哉
禮禕衣兮有奉貴玉璽兮是徵廟如在今肅肅祭以時
兮蒸蒸帝母之尊兮斯至昊天之感兮難勝嗚呼哀哉
洞啟山園風淒雲馭合穀林之封域拂嵩邱之煙霧石
闕沉沉兮夜臺栢城慘慘兮朝露嗚呼哀哉稽任姒之
壺政冠周召之國風唯重熙之錫美與三代而比隆播
彤管兮有煒佑皇祚兮無窮嗚呼哀哉 群臣詣幄奉

慰 四月八日祔塋永熙陵 十三日虞主至京百官
郊迎虞祭於故燕國大長公主第二十日奉安神主於
新廟自啟攢發引掩皇堂及神主還都皆廢朝禁京城
樂音群臣奉慰虞祭內止座長春殿群臣起居不舞蹈
大中祥符六年十月三日升祔太廟太宗室

宗會要

明德皇后 喪禮

真宗景德元年三月十五日皇太后崩於萬安宮之滋德殿遺詔曰内外文武臣僚等日月運行春秋代謝人生定分天道難知予自去冬嬰茲疾疹百藥無效四體積羸有加無瘳迫於大限宜申治命用示所懷皇帝至孝至仁克勤克儉躬親侍奉旦夕煎調憂損子容衣不解帶然而天位至重君臨事繁必思軍國之大綱無執庭闈之近禮所宜自勉弗用過哀更賴股肱近臣共為開釋皇帝成服之後三日聽政服紀以日易月一依舊制在京文武群臣十三日除文武百僚諸司長官及近

臣觀察使已上臨於宮庭自餘職官臨於宮門外諸路
官吏已下三日釋服軍民不用編素沿邊不用舉哀制
服釋服之後勿禁作樂園陵制度務在儉省勉從予志
勿事煩勞是日宰臣文武百官入臨奉慰帝於東序

十六日太常禮院言準禮例應祠祭除天地社稷及諸
大祠外太廟及中祠並合權停俟園陵畢京城內外禁
斷音樂至皇帝釋服並仍舊中書門下文武百僚樞密
使節度防禦團練刺史前任行軍副使諸軍指揮使副
兵馬使三班殿直已上並服齊衰布四脚直領布襦衫
腰經並詔可中書樞密院主事以上及禮直官亦然
十七日群臣上表請聽政詔荅不允自是繼上五表始

詔允 十八日大飲群臣入臨奉慰太常禮院言按通
典小祥前百官無假每日平明詣延英門進名起居不
入正衙今請除成服日百官入詣萬安宮臨訖移班奉
慰成服後未聽政前百官並詣萬安宮進名起居聽政
之後並詣崇政殿起居又皇帝小祥日去經杖衮裳百
官入臨及移班奉慰詔百官並釋衮服服常服訖今請
小祥後過大祥及禫除日百官並詣萬安宮門外立班
進名奉慰餘日即並於崇政殿序班起居俟皇帝釋禫
除日如舊例朝參其小祥日仍進名奉慰皇后百官釋
服後月朔亦於萬安宮進名奉慰禫除訖後園陵朔望
特不視事二十八日櫛於萬安宮按昭憲皇太后禮例

百官已除服不臨今祥二十八日百官已除服望只令
詣萬安宮門外立班進名奉慰並從之 二十一日有
司設幄於崇政殿廊帝去杖經服哀裳近臣扶即御座
哀動左右宰臣李沆等跪奏陛下毀瘠過甚伏望割哀
強食以為宗廟社稷臣等不勝大願而退 二十二日
命宮苑使劉承規為園陵按行使入內副都知鄧永遷
副之仍詔與西京作坊副使藍繼宗同議 二十三日
太常禮院言皇后本服齊衰三年准昭憲皇太后禮例
合隨皇帝以日易月之制四月十日釋服四月十二日
禪除宗室雍王以下禪除畢言服心喪終制今月二十
七日小祥皇帝就行祭奠訖太常卿引皇帝詣東閣即

御座群臣移班近東再拜奉慰退就幕次釋衰服並從
之二十五日太常禮院言大祥日皇帝改服素紗軟
脚幘頭浚黃衫黑銀腰帶至禫除日服常服詔可二
十七日小祥群臣入臨奉慰如儀二十八日司天監
言準詔興翰林天文尅擇陰陽官以諸家堊書同選定
園陵歲月方位緣今年歲在甲辰不利動土須俟丙午
年十月方吉請止於今年閏九月二十二日就西北壬
地權攢詔下尚書省集文班百官與翰林學士并朝官
自來與免及不赴集議官並令赴省詳定以聞四月
一日吏部侍郎集賢院學士判太常寺郭贇上尊諡曰
明德皇太后詔恭依議曰臣聞一氣肇分天地列剛

系之位三才既序邦家立內外之朝周十亂而文母推
賢漢六宮而明后著美陰教克宣於內助母儀允顯於
萬方恭維皇太后挺生世家作配宸極玉衣覆寢顯符
甄后之祥璇宮炳靈迥表星娥之瑞雍肅早彰於慎密
賢明動叶於箴規方期內贊雍熙外康億兆忽嬰疾疹
俄歷冬春進藥餌以無憑禱神祇而弗應皇帝至仁至
孝事地事天情鍾陟屺之哀禮過茹荼之戚永懷周極
欽奉鴻名爰命有司式遵茂典下臣虔膺旨用闡徽猷
且謹者行之跡也號者名之美也考之善行定以美名
異揚不朽之芳永播無窮之譽謹按謚法曰無幽不察
曰明中和純脩曰德伏請上尊謚曰明德皇太后 四

日判太常禮院孫何等言準詔詳定園陵月日者伏以
宗廟之儀饗祀爲大若三年不祭則闕孰甚焉今司天
監言丙午歲方利大塋今歲止可於壬地權櫨仍勿動
土臣等再三詢問復有論列安敢以禮官博士之議拒
馮相保章之說況事繫園寢理要便宜今參詳喪塋之
義古有變禮合祔自乎姬旦始墨由乎晉襄書之簡編
亦無譏諫謹按禮云塋者藏也歆人不得見也既不歆
穿壤動土則莫若便就司天監所擇地依長記王后之
嬪居棺以龍輜櫨木題湊象椁上四注如屋以覆蓋盡
塗之所合理重若不歆入土即至時焚之如此即是用
橫禮而存塋者所異稍合典經便可升祔神主九虞之

祭至日可行七廟之尊三年獲薦帝曰陰陽拘忌前代
不取今但依典禮而行不煩定議宰臣李沆等奏近年
皇族繼有悲慘又母后上仙聖心過有哀毀陰陽之說
亦有所疑恐須避忌若如禮官所請則於國家之事得
合便宜宗廟之祠亦無曠闕從之宗正卿趙鼎易上
言伏覩衆議明德皇太后閏九月二十二日於壬地權
橫依禮例埋重升祔神主臣今以為未可埋重預升祔
神主瀆亂陵廟唐突祖宗也况諸廟既及七月即合依
時薦饗臣當職分當合奏陳伏望下尚書都省或御史
臺集京百司官吏太常禮院等令檢勘等帳分祈向來
祇奉帝后如委是六室先止陵後祔廟則將來靈座發

引乞約孝章近例徑於土地權櫬未立神立升祔凶儀
一切祇奉俟丙午年靈駕西去園陵東廻祔廟如此則
免顛倒不利國家詔禮院詳定以聞判院孫何等言據
安易狀言禮云既虞作主虞者已塋設吉祭也明未塋
則未立虞主及神主所以周制但鑿木為懸重以神主
靈王后七月大塋則埋懸重掩玄宮凶杖輜輶車龍輅
之屬焚於栢城訖始可立虞主吉仗還京備其九祭復
埋虞主然後立神主升廟室自曠古至皇朝上奉祖宗
陵廟遵行此禮何以今日乃違典章苟且升祔方權櫬
妄立神主未大塋輒埋懸重柩未歸園陵則神靈
豈入太廟祭栢城未焚凶仗則凶穢唐突祖宗者本院

先按晉書王太后崩廢一時之祀天地明堂去樂不上
昨又按禮王后崩五祀之祭不行既殯而祭所言五祀
不行則天地之祭不廢遂議以園陵年月不使須至變
禮從宜又緣先准禮文候神主升祔畢方行饗祀若侯
丙午歲則三年不祭宗廟於禮文既有所闕在孝思抑
亦不為況明德皇太后德配先朝禮合升祔遂與史館
檢討同參詳以為廟未符則神靈不至伏恐祭祀難行
櫨既畢則梓宮在郊可以塋禮比附遂按禮云塋者藏
也歆人不得而見也就不歆穿壙動土則龍輜櫨木題
湊象儼上四注如星以覆蓋塗之所合理重一依近例
便可升祔神主中書門下以為國家之事得合便宜宗

廟之祠免於曠闕用茲定議實亦無嫌議允所奏下有
司尋蒙詔可伏以宗廟之事至重至嚴誠非職司所敢
輕議詳此蓋要易本不知書直謂未升祔間諸廟既及
七月即合依時薦饗所以妄稱瞽言謂凶仗謂凶穢目
郡官謂顛倒指梓宮直名棺柩令百司分析園陵浼瀆
聖聽誣罔臣下又云昔日覲群官顛倒奉明德皇太后獨先
先山陵後祔廟今日覲群官顛倒奉明德皇太后獨先
祔廟後園陵者本院詳當時先山陵後祔廟蓋為年月
便順別無陰陽拘忌孝章皇后乃太宗嫂氏不妨宗廟
祭饗今既年月未便禮合從宜未埋重則禮文不脩未
升祔則廟祭猶闕須從變禮以合聖情夫三王不相襲

禮五帝不相沿樂愚夫則孰而守之妄生異議况已經
中書大定詔命領行兼明德皇太后將赴權櫬而安易
所稱柩城未焚凶仗則凶穢唐突祖宗本院按檀弓云
喪之朝也順死者之孝心也鄭玄注云謂遷柩於廟又
云其哀離其室也故至於祖宗之廟而後行商朝殯於
祖周朝而遂塋今亦遙辭宗廟豈可以禮經所出目為
顛倒吉凶具儀謂之唐突又云孝章皇后至道元年崩
亦緣有所嫌避未赴園陵出京權櫬之時不立神主入
廟直至至道三年西去園陵禮畢然後奉虞主還京易
神主祔廟以合經典本院檢詳當時文籍孝章為太宗
嫂氏上僊之時止輟五日視朝百官不曾成服已與今

來不同從初亦無詔命今住廟饗今明德皇太后母儀
天下主上孝極曾顏上僊之初即有遺命權停饗祀按
於禮文固合如此安易荒唐庸昧妄有援引以大功之
親比三年之制欺罔君上乃至於斯本院所議並明稱
典故旁考時宜雖曰從權粗亦稽古在宗廟則不乖祭
祀於園陵則無失便安昔墨衰起於晉裏搢紳不議合
祔出於姬旦賢達無譏孝章配世祖於更衣見稱范史
叔孫作原廟於複道載美班書豈不以為所慮者遠圖
所成者大事務叶通人之論不妨近俗之譏就而酌中
雅合權變顛倒苟且孰為而然究經詢議而與玉式仗
請一依本院元狀施行詔可 五日太常禮院言準昭

憲皇太后禮例議號勅下日百官詣閣奉慰今月六日
謚號勅下日望依故事從之九日群臣上表請御正
殿自是三上表始允以十四日御正殿十日大祥群
臣奉慰如儀十三日命翰林學士承旨宋白撰哀冊
文知制誥李宗諤撰謚冊文知制誥趙安仁書冊寶
五月一日以梓宮在殯不視朝自是至升祔朔望皆然
六日詔兩制三館祕閣官各撰挽詞五首送中書省
二十五日按行使劉承珪言得司天監史序狀園陵
宜在元德皇太后陵西安塋其周王墳先塋孝章皇后
陵北亦無妨礙其地南神門外去永熙陵地百二十一
步東神門外去元德陵西於神門外封地侵却十五步

餘二十五步分作兩陵封地其地西稍高地勢不平按
一行地里經地有土厖不平擁塞風水宜平治之正在
永熙陵壬地如貫魚之形從之時又令承珪等并按
行安王周王瑩城帝問其地圓謂宰臣曰乃以周王祔
永熙陵而安王處於外少長失序此尤非便宜別度地
以聞 二十七日以宰臣李沆為園陵使翰林學士承
旨宋白為禮儀使御史中丞呂文仲為儀仗使吏部侍
郎郭贄為鹵簿使翰林學士知開封府梁顥為橋道頓
遞使沆卒宰臣畢士安代顥卒光祿卿權知開封府陳
省華代 六月一日禮儀使言請就安肅門外浚儀縣
旌孝鄉程趙村沙臺設櫓宮用栢塹龍帳靈駕由西上

閣門朝堂門右昇龍門出乾元門閤門過白鶻橋出
安肅門至普濟院東神主迴日入右掖門右承天門於
萬安宮奉安從之 二十五日卒哭不視事群臣奉慰
如儀 二十九日中書門下言已經卒哭望許京城及
諸州不禁樂從之 七月二十二日禮儀使請升祔題
神主除太字從之 八月二日太常禮院言今月十二
日太尉率百僚奉謚冊告太廟伏尋禮例親王樞密使
副使宣徽使翰林樞密直學士並赴諸司使及軍員並
不赴詔唯親王不赴餘並依 時副宰相唯參知政事
畢士安攝太尉帝以班序不便故令親王不赴及行禮
時士安已相復詔親王並皆赴 十二日攝太尉宰臣

畢士安率群臣奉謚冊寶告於太廟翌日上於萬安宮

之靈座 冊文曰孝子嗣皇帝

真宗御名

謹再拜稽首上言

伏以奉先追遠人子之大猷考行易名格言之彝訓仰
懷顧復之重莫伸孺慕之心思極尊稱以先懿乾恭惟
大行皇太后塗山協慶沙麓儲祥配乾居尊儷日垂照
而自佐佑先帝雍容內朝周旋合於聲詩進次循於法
度母儀萬物二紀於茲九族用親六宮是式猥以冲昧
祇荷宗祧夤奉寶圖繼體宸極橋山送往常積於孝思
長樂問安方榮於色養每遵清淨之教敢忘黃老之言
痛聖善之長違念風木以增感昊天罔極遠日有期爰
命有司時咨故實節以一惠式揚威烈禪祿將祕龜筮

同寅典禮具存明靈如在是用定議宗廟告謚凡筵謹
遣攝太尉吏部侍郎平章事畢士安奉冊寶上尊謚曰
明德皇太后伏惟神鑒昭格體茲至宮配聖考以在天
饗鴻名於永世騰休簡冊茂揚耿光億萬斯年垂裕無
極謹言 九月十日禮儀使言靈駕赴櫨宮日皇帝親
行啟奠祖奠乾元門外遣奠至櫨宮有司攝事行遷奠
并掩櫨宮祭及設第一虞祭畢迎神主升翟車還京赴
萬安宮行安神之祭伏緣百官出城奉辭又入赴西上
閣門奉慰若神主當日還京又須出城奉迎一日之內
禮容重疊護衛車輅來往奔馳歆望櫨宮經宿至二十
三日第二虞祭畢迎神主還京所冀禮容周備又按昭

憲皇太后時侍中一員奏請靈駕升降進發權駐元德
皇太后時只內常侍奏請今請依元德故事止命內常
侍奏請從之十九日禮儀使言起靈時早啟奠祖奠
行事官合就學士院閣門宿止自啟櫬百僚皇親各服
初喪服軍員內班更不服初喪之服內庭諸色人執事
職掌五使人從只服本色公裳啟櫬宮前三日合禁止
在京音樂候附廟畢仍舊並從之二十四日禮儀使
言神主廻赴萬安宮奉安禮畢宗正卿以酒脯安神其
日望令百官詣西上閤門進名奉慰詔奉迎神主宜盡
嚴恭其廻宮日朕服靴袍於萬安宮門內奉迎前導至
萬安殿行禮候附廟日亦服靴袍出乾元門外奉辭餘

可二十六日禮儀使言準禮例太宗神主迴京內諸司使副已下及軍員將校只於順天門外奉迎退赴西上閣門奉慰今請依舊例只於安肅門外奉迎俟樞密使赴萬安宮行禮退奉慰昭憲皇太后山陵禮例自啟櫨前三日直至園陵禮畢神主到京皇帝並不座放朝參祔廟日亦不座百官奉慰太宗山陵禮例續詔神主未祔廟以前方行虞祭依舊前後殿不座元德皇太后園陵禮例啟櫨及發引掩皇堂神主迴京并祔廟日並不視事百官奉慰其祔廟以前京朝官並於後殿見謝辭今請自啟櫨前三日直至祔廟日前殿不座其啟櫨發引掩櫨宮神主到京祔廟日仍不視事見謝辭止就

後毀並從之 閏九月十九日太常禮院言檢詳通禮
義纂云三年之喪以為至痛極也聖人制禮不以死傷
生為取法四時變易應歲時之氣以殺其情故二十五
日除衰裳去杖經也又喪大記云弃杖斷而弃之於隱
處鄭注以喪服至重不得褻之按禮祭服弊則焚之衰
裳亦當焚也今緣權櫨禮畢已從葬禮以日易月又當
服除望俟乾元門外奉辭禮畢吉服還內所有衰經杖
並請焚之其諸王及六宮衰服亦請焚之又按穀梁去
葬桓王傳曰改葬也改葬之禮總舉下緬也稱總舉五
服之下以喪緬邈遠也故改葬之禮其服輕言緬釋所
以總也至丙午改葬之時準禮例皇帝服素紗軟脚幘

頭白羅衫黑銀帶及諸王已下並服白羅襴衫腰經帝
初覽奏以櫝宮禮畢然奔喪服甚難其事宰臣固引典
禮為對乃下詔曰塋而除服雖俯就於禮文孝以奉先
方永懷於創鉅在於皇族合守心喪庶全攀慕之誠以
畢外祥之制帝慮皇族中以為釋服不能謹守心喪有
違禮制乃降是詔 二十日啟櫝宮帝與諸王宗室哀
經群臣素服臨於萬安宮翌日群臣朝夕臨 二十二
日帝啟奠畢梓宮升龍輜祖奠徹行哭從出乾元門設
遣奠攝中書侍郎讀哀冊 冊文曰維景德元年歲次
甲辰三月乙酉朔十五日己亥明德皇太后崩於萬安
宮之滋德殿以其月二十七日辛亥殯於殿之西階閭

九月壬子朔二十二日癸酉遷座於櫺宮禮也素衛宵
陳祖獻躬撤黼黻洞啟龍輶停轍瞻神御之將移痛璇
宮之永訣哀子嗣皇帝天孝攸資雨泣纏悲承慈顏而
不及念德駕以難追徽音如在懿範長垂爰詔下臣奉
楊芳規其詞曰神宗繼統罄宇為尊內朝正位德契柔
純河洲令德闕闕清門彤管有煒蘭芳玉溫仙李遐胄
日華凝秀逮下仁深載物恩厚化被六宮言乎九有仁
聖之姿溥率之母月吐黃芒人施玉衣珩璜有節禕褕
以歸沼沚必循種稯無違正名宮壺率禮嬪妃輔佐先
帝光昭內則長樂居尊大練無飾陰教施於公宮歲誠
形於邦國何卜世之方隆而降年之有極嗚呼哀哉日

往月來春敷冬索故歲方暮惟疾初作上感宸襟止期
勿藥寒泣外侵風虛內薄冰霰陰凝軒星夜落嗚呼哀
哉戚里悲摧國族悽愴草木變衰人靈沮喪椒風詎可
以少留蕙路徒增於悵望嗚呼哀哉王靈獻兆吉日惟
良金根夙駕神路攸長背都闈之凝邃流挽唱之悲涼
歎九虞之蠲潔饗六璉之蒸嘗歎輝光兮無效嗟玉釜
之虛芳嗚呼哀哉驚輅迅兮神駕收椒殿寂兮闕秋昔
比帝子之望舜今如文母之興周結遺愛而山積宣惠
問而川流惟博史之紀德亘億載而揚休嗚呼哀哉帝
躋躋奉辭既發引哭還宮二十三日群臣詣安肅門
外奉迎虞主以虞祭未畢入居萬安殿帝迎拜於宮外

嗚咽流涕禮畢群臣奉慰 十月十七日帝齋於長春
殿翌日祔神主於太廟太宗皇帝室帝自萬安宮步導
至乾元門再拜涕泣奉辭群臣奉慰 二年正月十四
日詔以此月十八日親朝拜明德皇后櫝宮令太常禮
院定儀以聞 禮院請其日設幄殿於櫝宮之側文武
百官及皇親先赴幕次俟皇帝常服乘馬出內至幄殿
改常服淺色淺黃羅紗袍太常卿贊導行事皇帝再拜
哭位設瓊羞之饌侍臣進酒讀祝版奉辭訖帝服還內
詔特製素白之服餘如所請又請立班日諸司使副及
軍員並不預從之仍令入內副都知鄧永遷依此勾當
十七日遣西京作坊副使藍繼宗修奉園陵 三月

四日太常禮院言今月十五日小祥伏請皇帝不視事
十日群臣進名奉慰退詣佛寺行香詔特前殿不座七
日禁止京城音樂餘依所請 三年二月六日帝詣櫬
宮行朝拜之禮如二年之儀 三月一日太常禮院言
今月十五日大祥忌辰伏緣明德皇后已從塋禮衰服
經杖並已焚之別無變除之文須至酌情特定前後各
一日不視事群臣進名奉慰退赴佛寺行香又按開寶
通禮大祥之日設祭徹饌掌事者除靈座以降自大祥
後外無哭者至禫祭日設几筵自禫之後內無哭者今
詳皇族雖守心喪禮從吉祭神主祔廟又已踰年具大
祥忌辰伏請皇帝常服詣萬安宮設饌祭奠禮畢除靈

座釋素服服吉服如常儀所有禪祭日設几筵今緣服制已除別無變易望更不行癸奠不座及群臣進名奉慰之禮詔大祥忌日不視事五日特製素白之衣仍禁中在城音樂十日禪除日不視事及除靈座日朕躬親扶護神御別設一祭祝文如遣奠之意餘如所奏 四日詔以大祥俯適自今日後群臣起居於長春殿權罷舞蹈 七月二十三日以宰臣王旦為園陵使翰林學士晁迥為禮儀使御史中丞王嗣宗為儀仗使吏部侍郎郭贇為國簿使樞密直學士權知開封府李濬為橋道頓使是冬賜王旦錢百萬米麵各百石羊猪各一百酒三百瓶炭千秤薪三千斤又令應緣儀仗小可過犯

委軍中區斷徒已上罪並取園陵使處分 八月二十
八日禮儀使言將來啟櫨宮請皇帝赴櫨宮幕殿成服
行奠醑之禮詔恭依 九月二日禮儀使言啟櫨宮前
一日至掩皇堂後一日並請皇帝不座櫨所發引掩皇
堂日並不視事群臣皆詣所御殿帷門奉慰仍禁在京
音樂 三日禮儀使言靈駕在路準禮例每住程應扈
從行事官並哭臨今緣皆以吉服行事望每程於帷殿
橫行奠醑訖退其隨從皇親設脯奠一舉哭而止所過
官吏吉服出城奉迎奉辭掩皇堂日園陵使已下進表
奉慰又准禮例啟櫨日百官詣西閣門奉慰今緣其日
乘輿出赴櫨宮成服行奠醑之禮望並令赴櫨宮俟奠

酌畢於御幄門外奉慰從之 十四日樞密上言園陵
吉山儀仗步騎五千三十一人望以拱聖天武軍充從
之 帝慮有司以頓遽廣有須索擾人乃詔內侍取宮
掖諸王院一行人數付御厨翰林儀鸞司除本司祇脩
外具所須什物畫一以聞即詔州縣供給仍諭所至非
有宣勅不得應付揭榜以示民後以風雪賜役卒錢令
休息之 二十七日龍圖閣待制陳彭年言司天監選
定十月十六日甲時靈駕發引陛下永懷罔極蔣隆制
書將以未明親臨遣奠竊尋歷代以至聖朝園陵之儀
未有風陳五輅宵啟九門出自宮城遠赴郊野者也伏
望遏霜露之悲慎嚴牆之戒申命禮官別議從宜之制

或先事一日酌奠於櫝宮或既發未明奉辭於別次雖
屈至性深協輿情詔司天監別擇時以聞遂改用丙時
十月三日以將啟櫝宮不視朝 四日帝詣櫝宮行
獻奠之禮 十五日帝再詣櫝宮致奠 十六日靈駕
發引帝素服行祖奠遣奠之禮號慕嗚咽奉辭訖歸大
次俟靈駕稍遠乃還宮 十九日遣中使馳驛詔園陵
頓遣使令所至以鄣王安王周王喪就東西序設次仍
畫圖示之 先是所司脩頓置靈駕所次並設三王帷
殿皆位南向帝閱之以其失尊卑之別遂有是命且怒
禮司之廢俟廻日按其罪及還旦等上表待罪詔答諭
釋之 二十九日以掩皇堂不視朝 十一月三日以

神御至克不視朝先是有司言神御到京無奉迎之禮
特詔不視朝五月賜園陵使王旦等器帛有差應祇
奉園陵沿路置頓地復來年夏租陵所役人並優賜之

宋會要 章懷皇后

至道三年真宗即位六月十三日制曰朕仰荷慶靈嗣

守基構永言懷舊之感再稽追遠之文聿舉徽章用旌

幽隧故宮國夫人潘氏早以華胄嬪於沖人克遵圖史

之規茂著河洲之德正名中壺允極哀榮可追冊為皇

后至道三年正月陪孝章皇后葬永昌陵西北七

月二十四日直祕閣朱昂請上謚曰莊懷皇后詔可

議曰臣聞推美者在乎易名錫號者在乎考實此定謚

之大旨也其或謚範前著柔風後垂宜撫芳猷用符徽
稱國有舊典我舉而行伏以故宮國夫人道升坤靈德
隆陰教非善不舉率禮無違居則有蘋藻之勤動則有
璫珩之節慈以接順以睦親長秋之位未昇大夜之悲
俄至靈駕不返仙籍長歸無方士以推尋動聖皇之悵
悵今則皇帝以續承大業恢振玉圖澤流九泉恩覃八
表惻修齡之不饗嘆中壺之未居寶帳兮徘徊可傷瑤
池兮歸去何速繇是舉其茂典飾以崇名追行金鈿之
榮表正璇宮之位永言茫昧諒極哀榮謹按謚法履正
志和曰莊慈仁哲行曰懷伏請上謚號曰莊懷皇后
八月三日朱昂上陵名曰保泰本廟舞名曰永和從之

十一月三日神主祔后廟

宋會要

章穆皇后

真宗景德四年四月十五日章穆皇后郭氏崩於萬歲殿之後殿遷座於萬安宮宰臣王旦等見帝萬安殿之別次奉慰是日輔臣鄧度使兩省五品尚書四品諸司三品以上並入臨於萬安宮庭文武百官諸軍將校內諸司使副以下並臨於宮門之外遣官分告天地太廟社稷十六日太常禮院言準禮例唯祭天地社稷及諸大祠其太廟及中祠並權停俟園陵畢京城禁樂音至皇帝釋服日並仍舊又按孝明皇后故事皇帝未成服群臣日赴萬安宮一臨皇帝七日釋服群臣三日釋服

諸道州府官吏計到日舉哀成服三日而除沿邊州縣
軍鎮並不舉哀詔從之 時議遣使告契丹王旦等或
請止令邊臣具錄詔命以告之帝曰命使赴告於理為
順然每歲兩次命使而往頗聞彼中供億勤至令若以
此命使即自此凡有大禮大故各須命使交馳益增煩
費也莫若密諭安撫司俟彼中遣人來體問即錄詔命
報之或來人詢以朝廷不行訃告之意當令李允則具
言朝廷與契丹故無猜聞今者不專遣使訃告蓋慮勞
煩之意 十七日太常禮院言按唐太宗文德長孫皇
后上仙百僚服三日其禁衛諸軍使各於本軍廳事素
服臨六品以下非常參官及士庶各於本家素服一臨

竊詳素服本家明非衰服矣又據聖朝孝明皇后上仙百官成服三日仍日臨退易吉服出內城漢魏相好觀漢家故事以為古今異制務在奉行故事而已當今典策遺文既沿革而不脩祖宗近制宜遵守而無違欲望依故事群臣成服臨退易吉服出內城去金銀帶魚袋俟釋服仍舊軍員別無幕次許取便於皇城門內易衣又准禮例中書門下文武百官節度所團刺史前任行軍副使諸軍指揮使副兵馬使以上並服衰齊服親王宗室四脚布領欄衫腰帶長公主郡縣主宗婦布肥頭帔子布裙服並白羅襯服詔可仍於廊下設幕次十八日知樞密院王欽若上言伏覲勅文皇帝本服齊衰

准近例七日釋服非舛周易月之制請改至十三日釋服庶合禮文詔崇文院檢討龍圖閣待制陳彭年檢討故事彭年言按唐德宗皇后王氏崩太常博士徐乾議周景王有后之喪既葬除服準禮七月而葬帝得以七日除服又按春秋左氏傳杜預注天子絕期唯服三年又晉穆后楊后之喪並既葬而除唐德宗朝禮官柳冕等議皇后為父母服十三月其稟朝旨十三日而除會昌五年武宗為恭宗母義安太后服期行易月之制十三日釋服則別無帝王為皇后行期周易月故事中書以聞帝以欽若之言為允乃下詔曰帝王禮樂沿襲不同因事從宜亦存前訓今者宮闈違戚官司定議質聖

祖之舊章協宗周之令典顧循謹議持有沿情用導盡
傷亦敦風化朕今用十三日釋服 十九日大歛群臣
成服進名奉慰太常禮院言準禮例百官成服後三日
朝臨而釋服不入朝櫨塗及皇帝釋服日並於萬安宮
門外進名奉慰其兩日請不視事從之 二十日龍圖
閣待制杜鎬言準詔檢討歷代皇后上仙無群臣請聽
政之表即無不視事之例今太常禮院詳定以聞既而
上言請群臣釋服後皇帝於便殿視事皇帝釋服後即
前殿視事釋服日進名奉慰從之 二十一日司天監
上言選定園陵月日宜在辛哭之內舉塋請以五月二
十九日啟櫨宮六月八日發引二十一日掩皇堂帝曰

此亦便於事雖不取七月之期於義無嫌但每事務從
簡儉是所宜也乃命內侍左班副都知閻承翰為園陵
按行使入內副都知藍繼宗副之 承翰等言永安縣
陵臺側有地三兩處司天監並云地位不廣無可選擇
帝令祔元德皇太后陵安塋但可安厝不必更要寬廣
其棺槨等物無得鐫刻花樣務令緩足又以密邇諸陵
神貴安靜其役徒不得輒令喧鬧及率眾唱號當此暑
熱每至日中各令憩歇或風雨飄暴亦須權停諸陵松
栢無令傷動兼慮此盛暑少屋宇憩泊速諭三司以舩
運簾席竹竿三二萬數往彼 二十五日殯於萬安宮
之西階群臣奉慰 二十八日帝釋服群臣奉慰命入

內副都知監繼宗內殿崇班張繼能三陵都監康仁遇
高品閩文度同監修園陵步軍都御侯鄭誠為都鈴轄
孫正辭副之 十九日以軍臣王旦為園陵使翰林學
士晁迥為禮儀使御史中丞王嗣宗為儀仗使工部侍
郎魏庠為園薄使樞密直學士權知開封府李濟為橋
道頓遞使命翰林學士晁迥撰謚冊文楊億撰哀冊文
知制誥周起書翰林學士判太常寺李宗諤議謚號
五月一日不視朝群臣奉慰自是訖外祔朔望皆然
二月詔兩制三館祕閣官各撰挽詞五首 十一日禮
儀使言準禮例發引所過州縣官吏素服出城奉迎及
辭皆哭十五舉音神主迴日奉迎到京日百官班迎今

請並準近例其隨從園陵皇親及文武官緣並服初喪服望令每至宿頓立班臨哭奠酹又安陵故事啟陵日會葬者服總麻不會者不服掩皇堂畢除之今請群臣發引日並服初喪服又按孝明皇后發引日皇帝服本服親行遣奠改常服還內周顯德中宣懿皇后啟櫨宮時亦然今請準故事啟櫨宮前三刻皇帝服哀服文武官及皇親各服初喪服入詣宮庭行禮俟梓宮出乾元門皇帝行遣奠讀哀冊訖百官再拜退不會葬者城外奉辭訖改常服詣西上閣門奉慰會葬者俟皇堂畢改常服奠祭神主迴奉安於瓊林苑緣苑中前殿有花竹難於立班升降欲止就西階奉安昨降詔自啟櫨至掩

皇堂禁音樂緣六月二十六日卒哭七月三日神主祔
廟相去尚有七日望仍禁止從之 十六日翰林學士
判太常寺李宗諤請上謚曰莊穆皇后詔可 議曰臣
聞關雎為王化之基坤元以厚德載物是以椒塗在御
正位而聽內朝蕙問既淪易名而示四海流芳亘古垂
裕方來奉節惠之文有不刊之典伏惟大行皇后斗維
降慶沙麓儲休令質柔嘉懿姿純茂靈符告於石字吉
祥驗於王衣粵自邦媛有歸戚藩作儷逮事先帝寅奉
皇姑恭順發於誠心正淑表於姻戚銅扉肇啟金璽承
榮執綦組以彌勤服圖史而無斁屬嚮明於大寶爰總
治於長秋德冠六宮母臨萬國樛木逮下聿協聲詩大

練為衣克敦儉素而又侍養樂順承慈顏朝夕勤紛
之儀行步有佩環之節允釐壺則式是邦家所宜永服
禕綸勤事種稯而軒星掩曜桂魄沉暉遽謝昌辰靡延
鴻筭皇上悼音徽之如昨念日月之有期爰命下臣仰
稽前訓庶芳猷之不泯紀大號以長存作著策書告於
宗廟謹按謚法履正志和曰莊賢德信修曰穆伏請謚
曰莊穆詔尚書省集翰林學士兩省御史臺宮本省六
品諸司四品已上定議以聞吏部尚書張齊賢等上議
曰臣等聞天清明而東陽乃恢國覆地博厚而載物遂
正方輿萬彙於是財成二儀以之功濟亦由伉儷重人
倫之本河洲隆王化之基恭惟大行皇后承乾清明法

地柔順稟汾陽之慶緒襲塗山之令儀主上銀榜并儲
謀猷風効玉宸嗣統輔佐惟寅嬪虞契月旦之明媚周
叶天飛之運神宗聖母昔楊賢淑之稱清廟闕宮屢奉
吉蠲之祀勤宣四教表正六宮臨陰陽之和德範昭矣
服圖史之訓善美具焉運迫登天哀繼率土顧茲節惠
爰命儒臣詳觀考行之文允協易名之典質於有衆無
與至公伏請依宗諤所議 閏五月八日禮儀使言奉
謚冊告於萬安殿檢會孝明故事上謚冊日不輟朝明
德皇后上謚冊日群臣奉慰今請其日皇帝前殿不坐
放朝六月十五日靈駕在路望許群臣奉慰二十六日
神京到京日亦請不視事七月一日雖園陵禮畢緣在

未祔廟之前亦望前殿不坐放朝並從之 十三日攝
太尉率臣王旦奉誡冊告於萬安宮攝中書令知制誥
朱異讀冊 冊文曰皇帝若曰后妃之德風化之源法
垂象於四星叶休符於五鹿生則建長秋之位取諸漢
儀沒則按彤管之書定其周諡所以循節惠之前典表
飾終之異數大行皇后郭氏坤元毓粹月魄淪精出金
沉之華宗集玉衣之瑞命元雲入戶素擁於神休吉夢
捫天果歸於帝室逮事先聖祇若皇姑儼朱戟以開榮
進畫堂而增峻粵繼大統乃陟中宮服以螭虎之鈿奉
以椒蘭之殿鍾鼓之盛禮河洲之詠作而能含章體順
率禮蹈和厚德無疆謙光載路言可復於圖史動必中

於珩璜避濯龍之遊恬淡特立引貫魚之列優柔逮下
抑制外族述宣陰教眷惟輔助屬在賢明方當節用去
奢正始敦本先蠶致饗率職於紘綏藉田歲事贊獻於
種稯而祥符素柰蒙結元墀嬰進賢之心憂勤成疾虧
勿藥之喜奄忽冥升羽蓋虛陳瑤齋罷宴禕綸弗御璋
瓚空存掩軒曜之光芒失塗山之翼贊悲纏戚里哀動
掖庭池綽講儀園陵卜吉庀徒斯具練日惟良司典上
言追崇克允載詢公議式賁徽章今遣攝太尉工部尚
書平章事王旦冊謚曰莊穆皇后垂芳竹帛著範壺闈
永閔音容良深軫悼嗚呼哀哉 二十九日啟橫宮群
臣哀服諸軍將校常服臨於萬安宮帝親臨酌奠群臣

奉慰 六月八日靈駕發引帝素服行遣奠之禮攝中
書令翰林學士李宗鶚讀哀冊 冊文曰維景德四年
歲次丁未四月丁卯朔十五日辛巳大行皇后郭氏崩
於萬歲殿之後殿有司奏謚曰莊穆以其年六月乙未
朔二十一日乙卯將遷座於靈臺禮也朱火昏中靈輅
夙駕慘畫月於素旗咽悲風於廣廈皇帝軫深懷於丙
殿痛淑德於長秋感壁臺之不遇嗟黼帳之將收降輶
賓階親臨祖饋爰詔詞臣奉揚遺懿其詞曰厚德載物
至哉坤元著明垂象倬彼星軒闕睢教始倪天禮尊章
明內治啟迪化源慶屬休辰運鍾元聖諸夏宅心三靈
眷命稽若前經述宣內令玉璽疏榮蘭闥布政文昭貴

胄疏仲遐枝家承金冠六祥開翠衣萑華瑞命苻采聲詩
女圖是憲象服攸宜列邸承化東朝作儷言無出閭義
教主饋塗山冀贊周姜思媚譽謁掖庭禮均娣姒允升
中壺寅奉皇姑承顏左右上食朝晡禮待陰郭輔佐唐
虞嬪風載穆陰教誕敷厭翟斯皇濯龍希從江漢化行
禕褕禮重薄氏仁善靡微恩寵大家經書習聞雅頌外
戚稟訓譙冲靜退嬪御懷仁祝延飲酌半楚啟邦罔徇
私愛哀紀舊章尚辭封拜陪遊溫洛致孝南陵親易脂
澤躬薦梁盛帝車來復拙魄載盈蒙生椒掖災纏玉京
嗚呼哀哉顧兔淪輝騰龍變彩地震芳輿人謠素奈西
山藥兮杳無期聚窟香兮不可待歎駕逝兮靡留玉音

琤兮如入金釭凝兮夜何長白駒度兮時易改中庭悽
兮綠草生洞戶寂兮流塵晦嗚呼哀哉宸居愴惻戚里
悲傷痛深臣妾哀極殯嫗諶蘭宮兮女史閨蘭館兮公
桑掩遺書兮無復視念故劍兮何時忘閼珠襦兮畫梓
湛銀海兮元堂望懿藩兮畢陌從先后兮雲陽嗚呼哀
哉統五鼓兮嚴城曉儼六衣兮清吹度陳志冊兮祖庭
咽邊簫兮上路濃涕兮重瞳吞聲兮長御背直城而右
轉歷重岡而遐爲溯迤邐之周京指蕭條之鞏固嗚呼
哀哉陵園黯兮將閉景象淒兮若秋瞻樂宮兮永歎覽
雲屋兮增愁畢九虞兮祔營魄節一惠兮闡大猷絕遺
芳兮彤管諸賢德兮河洲涼音徽之不泯曠載祀以彌

休嗚呼哀哉 帝就次釋服還宮群臣諸軍將校哀服
設祭道左奉辭於順天門外還詣閤門進名奉慰 二
十一日望永熙陵之西北群臣奉慰 二十三日太常
禮院言虞主至京群臣出城奉迎其祔謁太廟行事官
已受誓誠請不赴立班其日及卒哭請特放朝參並從
之 二十六日不視朝虞主至京文武群臣迎於順天
門外奉安於瓊林苑以九虞未畢故也 二十七日賜
園陵大禮使宰臣王旦林偁三日禮儀使而下行事官
各三日應園陵行事官器帛有差 七月三日不視事
有司奉神主自瓊林苑謁太廟祔饗於昭憲皇后饗畢
祔別廟群臣奉慰先是禮儀使言乾德中祔孝明孝惠

皇后於別廟同殿異室有司言孝明正位宮壺宜居上
孝惠追號次之其廟室請准太廟以西為上詔從其議
今莊懷皇后雖先廟饗本自追崇莊穆皇后正位宮壺
母儀天下其神主祔廟望依禮例遷於上室從之 大
中祥符元三月二十一日帝以后喪修及期集議徹宮
中所奉几筵訪於宰臣且言孝明再期而徹王旦曰若
以虞練事神既庶祔廟則几筵之設非古也然國家孝
明上儀已用家人之禮行之三載莊穆母儀天下十年
酌於人情宜守故事王欽若等曰几筵之設典禮所無
况及期年徹之可也帝曰但以情所不忍耳陳堯叟曰
中宮不可虛位若建長秋而莊穆几筵尚在於禮難安

帝曰萬安宮宮中自亦遠於正寢况人行服尋已宮除
晨夕供養無哭泣之哀且禮沿人情國朝已來素行此
禮朕守祖宗故事便議除去豈為禮意乎遂至再期而
徹 四月十五日帝不視朝以喪始期也群臣奉慰
二年四月十五日大祥詔特廢朝群臣奉慰先是訪於
禮官言禮文不載故特下

詔

禮

山禮后夫

宋會要

昭憲皇后喪禮

大祖建隆二年六月二日皇太后崩于滋德殿遺令曰生死者人

之常道短修者天之定數考終為福又冀其悲予年過六旬比多

衰病家國之故憂勞積念自春及夏風氣頻作鍼石倘至有加無

瘳將盡天年宜申理命皇帝天資仁孝親侍醫藥衣不解帶涉于

數旬軍國事繁人神所託勉思遠大無過哀毀予瞑目之後宜以

宗社為心更賴羣臣共與開釋皇帝成服三日聽政以日易月一

依舊制在京文武臣僚十三日而除諸司長官以上及近臣列校

朝晡臨於宮門外諸道州府長史以下三日釋服軍人百姓不用

編素沿邊州府不得舉哀釋服之後勿禁作樂園陵制度務從儉

省勉從予志勿煩勞故事皇太后下書曰今稱未亡人今之制首

今昭憲下詔後稱于蓋聖太后敬問其位惟太上皇書曰詔稱于

之誤也其後明德亦仍此矣是日帝行服於滋德殿大書曰詔稱于

三百六十五

三日文武羣臣入臨上同

四日大斂攢於滋福宮百官成服中書門下文武百僚諸軍副兵馬使以上並服布斜巾四腳直領襴衫腰經外命婦帕頭帔裙衫

上同

五日太常禮院請文武百官臨三日後更不入臨每日入朝不立班小祥大祥禫除日並赴滋福宮臨移班少東奉慰又進名奉慰皇后緣百官既已除服不臨外命婦進戕慰皇后朔望日百官進名奉慰又準禮例合權停太廟時饗及中小祠俟山陵畢復舊從之是日宰臣范質等上表請聽政表三上同

七日詔答允上同

八日以樞密副使趙普為山陵按行使又命內客省使王贊司天

監趙修已同往按行上同

九日帝見百官於紫宸殿門太掌禮院言皇后燕國長公主高氏皇弟泰寧軍節度使舊名嘉州防禦使光美並服齊衰三年準故

事合隨皇帝以日易月之制二十五日釋服二十七日而禫除畢服吉服心喪終制從之上同

十四日百官釋服

上同

十九日有司言請以今年十月十六日祔葬安陵從之

上同

二十三日太常少卿馮吉請上尊諡曰明憲皇太后詔恭依諡曰

臣聞諡所以知行號所以表功功大者播之無窮德厚者傳之不

朽唯詩人之詠本王化之基姜嫄發后稷之祥太姒興武王之業

祖宗之慶自古相沿恭惟大行皇后沙麓儲靈塗山孕粹恢張陰

教表正人倫化行而九族惟和法正而六宮承式事光彤史美溢

椒塗母儀方耀於庶邦仙馭俄聞於猷世祿衣綸翟即成原廟之

遊蜃路龍輜將祔霸陵之寢葬期定諡斯曰舊章謹按諡法照臨

四方曰明聖善周達曰憲請上尊諡曰明憲皇太后

上同

二十四日命宰臣王溥為山陵使太常卿邊光範為禮儀使御史

中丞劉溫叟為儀仗使兵部尚書李濤為鹵簿使端明殿學士知

開封府事呂餘慶為橋道頓遞使

同上

又詔王溥攝太尉持節導梓宮題冊寶監錄元宮工部尚書竇儀攝司徒率捧紫宮官奉升大升舉又引梓宮即元宮又攝司空復土九錡左諫議大夫崔頌攝侍中奏請靈駕御龍輅及沿路奏進發及陵所奏翟車進發中書舍人庾蒙攝中書令讀哀冊文攝禮部侍郎奉謚寶冊文哀冊等案太常丞呂端著作郎馮正右贊善大夫辛文悅安守錡興策舉冊祕書監張鐸授哀冊謚太府卿衛融奉幣太子詹事尹拙攝少府監進龍輅陳明器幡翣又攝將作監捧梓宮登龍輅兼錄元宮太常少卿馮吉帥執翣者障梓宮太常丞呂端攝監察御史監錄元宮太常博士和峴通事舍人王信並分引行事尚輦奉御甯仁裕押腰輿又攝尚衣奉御捧衣箱置輿中宗正卿趙矩九元虔及掩元宮喪官少卿趙洙祭望柏城及陵左右上著作郎馮正題虞主中書舍人庾蒙題神主

同上

二十五日太常監院言言山儀杖準詔減省數目今除兵部函簿

儀杖太常寺鼓吹太僕寺翟車從車等殿中省輦輿緞扇法物中
書省謚冊哀冊法物門下省謚寶綠寶法物外其凶杖大升輦
百人輜車十人哀冊車謚冊車謚寶車輿輦車魂車香輿重車
門外城銘旌車買道車方相車十車並駕以白憶弩素信幡各一
錢山輿黃白紙帳各二暖帳下帳千味臺盤各一拂燹二鐸翼各
八挽歌二十人花釵禮衣一副梓宮儀柳各一夷衾一障梓宮嬰
十二十二時神當墻當野祖明祖思地軸各一贈玉一包牲輿三
倉輿輿五穀輿各一招幡二十衣物輿音聲隊白幕像生車擔狀
馬各二十羊二圈器物五十刻木控鶴官內人各二十神御帳一
牀倚四副屏風掩障宮城園苑各一惡車三望令少府監修製從
之上

七月八日太常禮院言準詔議定皇太后謚按唐憲宗母王大后
廟有司集議以百官謚狀讀於太廟然後上之取受於祖宗之議
也周宣懿皇后謚號即有司撰定奏聞未嘗集議制下之日亦不

告郊廟修謚冊畢始告廟還讀於靈座前詔從周制

上同

十九日太僕寺言啟攢宮啟奠祖奠遣奠共使犢二詔悉改用羊

上同

八月七日詔應諸司寺監合差國陵行事官等宜一半差在京前

資州縣京官黃衣人一半差本司職掌如本司不足即取別司人

充並取次三選以上者如逐司行事官不足即並令通攝仍令逐

司點檢出身歷任書解由恩子分明方得差補

上同

九月六日羣臣奉謚冊寶告于太廟翌日上于滋福宮

冊文

禮畢

羣臣詣滋德殿門進名奉慰

上同

二十七日藩侯郡守以山陵有期各貢物來助

上同

十月十三日啟攢宮羣臣服初喪之服詣滋德殿門進名奉慰

上同

十五日帝啟奠于梓宮百官入臨升梓宮于龍輅祖奠徹帝從出

明德門百官序班梓宮升輿設遣奠中書舍人扈蒙讀哀冊

冊文

帝哭盡哀而返

上同

十六日葬安陵羣臣詣西上閭門奉慰虞主至迎安于滋德殿上同

十一月四日神主祔太廟宣祖室禮畢群臣奉慰上同

乾德元年十二月二十三日詔改卜安陵于河南府鞏縣事見安陵門

上同

二年二月二十五日禮儀使言明憲皇太后改諡昭憲所有諡冊

寶按唐朝故事加諡則冊文不改今改上尊諡與加諡之禮迥殊

其諡冊寶合重修製緣定諡號時太尉已曾率百僚告於太廟昨

改題神主又以差官告其重製冊寶欲候至啟靈日遣太尉上於

神座更不告廟從之上同

三月二十五日命攝太尉開封尹太宗名奉寶冊改上尊諡曰昭憲

皇太后攝中書令讀于陵次冊文曰哀子嗣皇帝臣太祖名再拜

上言恭以厚載配天作沴則六幽潛震大陰僊日薄蝕而重輪乃

昏稽象緯之無私諒浮休之有數輿自謳詞允屬厯數在躬猗德

應於皇家天命隆於宋祚諸侯率服既革故而鼎新百辟樂師遂

遷虞而事夏皆稟奉於慈訓致寰區之大同寢門方慶於三朝靈
府俄生於六疾邦家寡祐藥膳俱違捧遺詔以哀摧遵治命而負
荷日者兆非利往義取隨時權遷座於近郊祔安陵之元寢今則
祝史告吉令龜有徵闕大室之上朕遵穀林之故事驚輅前引龍
輅對昇九達之珂衛雲屯萬靈扈蹕同軌之吏民膺至八極銜哀
山靈而楚挽酸辛野靜而漢儀嚴肅詔司空而復土命大匠以宅
徒珠襦將閭於無窮玉簡宜編於茂實於是會宗伯詢禮官徵懿
行以擁神休易鴻名而告清廟聯宣考之一字予以循舊章明作
憲於萬邦于以垂永伐尚虞徽稱未盡孝思羣議簽同豈敢失墮
對典冊以增歎服劬勞而罔極謹遣攝太尉特進校檢太尉同中
書門下平章事開府尹太宗名奉寶冊上尊諡曰昭憲皇太后景行
光顯聖靈鑒昭祔輦翟於軒臺終天無恨奉晨昏於長樂畢世難
期攀慕克號歿齒何已上同
二十六日啟故安陵上同

二十七日靈駕發引攝太尉開封府尹舊名行遣奠讀哀冊

文曰維建隆二年六月二日大行皇太后崩于大內之寢殿旋殯

於滋德殿之西階粵以乾德二年四月十六日遷祔于安陵禮也

玉座塵飛銅壺滴咽儼龍輅而將御顧總帷而日徹九仙哀慕以

聲豐駟馬悲鳴而仰林旌旒悠揚笙簫怨絕金爐再焚兮香為灰

玉卮三奠兮淚成血哀子嗣皇帝臣御名痛地為之絕紐歎月窟

之淪光方荷變家之慶咸期饗國之長昊天不弔地無疆從蒼

梧之墳野閉漪漣之畫堂違綵御之列侍儼窮靈而在旁順大鈞

之委化貫一氣以無方惟令名兮不朽垂意載兮彌光其詞曰堯

為唐虞保姓垂社晉主夏盟因封易比堂堂社北我祖之始貽厥

無窮聿修不墜漢晉后族唐梁相門功藏汗簡澤流裔孫天贊興

運地發洪源嬪我皇考垂裕後昆法嫡汭以禪堯因塗山而啟夏

顧麻敷之在躬念名器之無假慕黃老之慈儉道豈遠而繼任如

之謨猷孰為難者母儀是則王道勃興奉慈顏而不匱獻壽酒以

如渑薄天就養任土咸徵莫大年之不永疑陰陽以難憑駭積壤
之告圻鬱繁陰而不開奚軒星之遽隕隨逝水以無迴竟號萬乘
震蕩九域波弋香兮是不是甘泉魂兮來不來嗚呼哀哉背採珠
之遠水面檢玉之崇山睇斜陽於郊郛鏤宿霧於輶轅宰木蕭蕭
今成列松鳥翩翩兮自還添燈有焰千年碧銀海無波萬古寒鳴
呼哀哉翠翟在銜情爽何之留彤管之遺訓采白雲而不歸會化
石之啟母訪鼓瑟之湘妃妝臺薜蝨菱花缺簋館桑濃戴勝飛鳴
呼哀哉內令罷書元宮永闕七廟及筵兩朝圖史玉衣既掩九原
之煙靄淒涼金輅徐還一代之榮華已矣嗚呼哀哉

同上

同上

孝明皇后

孝惠皇后

太祖乾德元年十二月七日皇太后王氏崩於滋德殿

大典卷七百五

六
同上

八日文武百官入臨於宮庭太常禮院言皇帝初發哀服布羅服加布斜巾帽首經絹襪服公主布帔頭帔裙衫首經視服皇帝七日而釋内外文武官三日而釋外命婦就本家三日成服内外禁音樂羣臣百官釋服後不入朝至皇帝釋服日並入詣西宮門外進名奉慰成服後羣臣日一臨退易常服出宮城去金銀帶魚袋從之

上同

二十五日命樞密承旨王仁瞻為園陵按行使時議改安陵於鞏縣并以孝明孝惠二皇后陪葬安陵又命内侍二人分為園陵監護使皇堂之制下深四十五尺上高三十尺陵臺再成四面各長七十五尺神牆高七尺五寸四面各長六十五步南神門至乳臺四十五步高二丈三尺書仗用中宮鹵簿凶仗名物悉知安陵而差減其數別有重車招幡

上同

孝惠皇后梓宮初奉於故安陵幄殿上謚冊不設鹵簿其凶仗如孝明之制稍減其數

上同

二年正月七日太常禮院言按唐會要元和十一年順宗皇后王氏崩謚曰莊憲初太常少卿韋縠進謚議公卿集定欲告天地宗廟禮官奏議曰按曾子問賤不誄貴幼不誄長禮也古者皇后之謚則讀於廟江都集禮引白虎通曰皇后何謚謚之於廟又曰皇后無外事無為於郊所以必謚於廟者謚宜受成於祖宗故皇后謚成於廟請準禮集百官連書謚狀訖讀於太廟然後上謚於兩儀殿今孝明皇后上謚望如舊禮詔令尚書集官議定以聞太常卿邊光範上謚議曰歷觀彤史眇觀皇闡咸推中饋之賢以輔興邦之運塗山之隆有夏姜原之王宗周雖婉孌於椒塗能經綸於草昧其或烏蟾缺耀丹壑遽移長秋之屬仍存闕翟之徽容永闕得不望北郊而灑涕臨南面而不怡將據黃屋之情唯獻曲臺之謚恭以大行皇后瑤圖應慶星婺降祥生知陰教之文宿值坤儀之道爰自嬪於朱邸瑞我皇家望雲預識於勃興求劍偏鍾於聖念暨化家為國類帝禋宗十四位之嬪嬙皆師禮法三十言之

道德刻意薰修纓跣并總之妙齡已類耆龜之道鑒思賢諫字昌
言過補衮之臣長樂深宮妙膳盡先姑之禮永言福履何止期頤
胡天理之混同繆人倫之報應祿壇告慶俄成柝館之悲桂魄沉
暉無復行宮之揖九有悽酸於中壺六宮號噎於內朝方士帳中
寂歷之香魂不返甘泉壁上平生之畫像空存何憚當亡之懷但
擬易名之典謹按謚法法度明大曰章慈和遍服曰順請謚曰章

順皇后尋改謚曰孝明

同上

二月十五日禮儀使庖蒙等奏謚曰白虎通云后夫人謚於廟臣
子共定謚白之於君然後加之婦人大夫故但由君而已唐順宗
王皇后是憲宗之母其時禮官遂行賤不誅貴之文讀之於廟是
受成祖宗也今詳后夫人者有太后也若不尊卑異制終恐禮意
未然欲請凡母后之謚則定於廟而讀之仍合賤不誅貴之意皇
后之謚取天夫之義自君之命可也其孝明孝惠謚號俟百官定
議判下後行冊之前止命官告太廟告訖上於靈座又與周宣懿

皇后禮例並同於義稍允又準禮例掩皇堂畢陵下設第一虞奉
神主回京沿路間日而虞九虞祭畢擇日祔廟周皇懿皇后以十
月二日掩皇堂神主至京於四御莊權住每日一虞或一日兩虞
至八日祔廟國朝昭憲皇太后以十月十六日掩皇堂神主迴至
滋德殿皆間日而虞至十一月四日祔廟今請如昭憲故事間日
而虞至西御莊權安神主俟四月二十六日祔於別廟從之上同
十六日太常禮院言準詔問孝惠皇后改葬合造虞主及得與孝
明皇后同祔謁太廟可否按開元禮及五禮精義改葬無虞主只
於葬所西南設一虞祭今詳孝惠皇后不合更造虞主緣準敕與
孝明同祔別廟欲請止俟祔謁廟前俱造神主各題謚號又按唐
先天元年祔昭成肅明二皇后神主於儀坤廟詳酌故事雖無同
謁太廟之文且有同日祔別廟之禮以此比類同謁為宜欲請奉
二后神主同祔謁於太廟從之上同
十七日禮儀使言宣祖靈駕與孝惠皇后靈輿自故安陵發引同

日孝明皇后靈駕自內發引其吉凶儀杖至城西御莊西合路今請孝明靈駕俟至御莊西少俟宣祖靈駕至孝明監護使詣宣祖前跪奉孝明皇后王氏奉見僣伏興退大升輿上路依次而行其儀杖並相參行列從之上同

二十五日禮儀使言孝惠皇后謚冊伏緣追謚以來未嘗告廟今詳酌欲與孝明皇后同日告於太廟其謚冊亦候啟陵日遣太尉上於靈座從之上同

三月二十六日遣攝太尉開封尹太宗奉孝惠皇后謚冊實告於

惺殿冊文曰皇帝若曰堯女嬪於媯汭配聖興虞啟母出於塗

山克勤翼夏盛德如在往謀流芳致應錄以受圖內自家而刑國

昔予良配實齊功於古人悼彼柔儀早沈光於曉魄自慶幸我祖

運啓炎靈雖追遠之思尋稽典禮當卜遷之日爰奉徽名皇氏賀

氏柔順積中英華發外蘊含章之貝美出積善之華宗魚芼學於

女師麟趾得其婦道端莊容止斯和珩珮之音浣濯衣裾不貴珠

璫之飾而自其昌叶言先近有言羞榛櫟於舅姑薦蒸於祖稱奢
奢約中度溫清承顏肅雍播於四時慈愛睦於九族洎詒謠有屬
清明在躬念王風而樂在進賢知神器之俯將授聖隆公宮之薦
行致靈臺之積勞祺祥莫會於神祇蘭茝例凋於霜霰嗚呼年紀
云遠圖謀彌光撫膺壽原著兆克昌於改卜悠悠貞魄芝焚永隔
於和鳴乃命禮官具陳備物錫鏤金之冊百行斯全揚如玉之音
千秋永茂謹遣使攝太尉檢校太尉同中書門下平章事開封尹
大宗冊諡曰孝憲皇后良史序美樂工登歌佩玉之清音寂寂堅
金之懿範我我嘆逝云遠積慶攸多皇極之建繁衍清廟之頌猗
那綿天長兮地久永保和合於太和嗚呼哀哉又遣攝太尉門下
侍郎平章事趙普奉孝明皇后諡冊寶告於攢宮冊文曰皇帝
若曰惟王居尊立后作配治行敷於內故六宮率職德教流於外
則四海承風是故功如奠山亦資啓母之聖仁如解網實賴華妃
之賢其或汾氣屬於四星窮數纏於三翟空遺惠問永謝徽音易

名將示於千年考行宜旌於五可皇后王氏天鍾善聖生稟柔明
幼彰偃月之奇風契覩天之異游心圖史節步珩璜自師氏之發
祥由公宮而著美稱詩化下國風為王政之基率禮居中內則整
人倫之本洎乾亨而開景運資聖德以贊昌圖宮號長秋斯隆繁
衍車如流水所誠奢豪黃琮自比於正規彤管每書於景行思推
褒紀尋為宗族之光道威嬪虞方永國家之慶俄而桃黃遽謝椒
掖長捐空膺沙麓之期永垂懿範不遇蓬丘之藥寧返清魂天道
遠而莫知陰陽定而無奈公桑秀綠誰從墨館之儀熬穀焦黃遽
及壽宮之葬有司獻議列辟同辭宜允至公永彰大行今遣攝太
尉門下侍郎平章事集賢殿大學士趙普冊諡曰孝明皇后周公
之法垂彝典以攸遵太妣之名與冊書而不朽臨文悼往言不勝
情嗚呼哀哉禮畢羣臣奉慰

上同

二十七日孝明皇后啟攢宮羣臣服初喪之服臨於庭

上同

二十八日孝惠皇后神柩自幄殿發引有司行祖奠攝中書令讀

哀冊

冊文曰

維乾德二年三月二十六日

啟孝惠皇后之陵以

四月丁卯朔九日遷座陪葬於鞏縣之南改卜安陵禮也帝宅區

中孝治天下符靈龜之吉兆命青烏之相者改卜園陵茂植松楸

奉易名之寶冊遷於九原御載主之金車遠逾十舍爰告先后聽

茲祝嘏辭象闕以啟行祔龍輜而風駕重櫛沿周網練從夏靈筵

肆設慘行色於萬人哀挽一聲起悲風於四野絳引斯發素幃將

徹永懷悼於皇情直筆揚其休烈其辭曰惟后之門清望發源惟

后之美彤管立言唱星之行偃月之顏婉兮正順禮以防閑始問

名於甲族終作配於塗山主祭蒸嘗問安晨省夙興夜寐冬溫夜

清養慈顏而有方同薰風之不競淑問汪汪小心翼翼樂樛木之

惟言念柔桑之女績食不求甘裝不務飾昔維或躍在淵肇基王

跡謳謠雖洽於外言輔助允由於內則非禮弗動常樂善以進賢

有開必先果變家而為國二南於以登歌六親用之作式憂人之

憂利人之利神宜福於遐齡波忽驚於長逝洎朔頒鳳曆洛出龜

象

書維孝通於神明實懷罔極以禮奉於祖考必本於初改卜至宮
於華洛備陳明器於塗葛乃遷賢后祔於皇姑嗚呼哀哉聞水興
嘆因山飾終利正萬祀歎歎六宮綏室桑壇圖練綳而垂訓金階
玉城空繪素以為容速何速於過陳傷莫傷於淒露月晦缺而望
圓花秋彫春茂留德音兮孔昭問貞魂而無處嗚呼哀哉維嵩之
北清洛之南前峻嶺兮虎雋其地左長流兮龍偃其潭望壽原兮
懸懸颺絹幕兮繆繆雲不凝兮慘白日人不忍兮迴素驂嗚呼奉
嬪之則含章之德王風被於殊鄰瘞推蘭兮冥寞封泥芝兮刊勒
泉隄斯篇采明永息積餘慶以祚皇家饗牲牢而傳無極嗚呼哀
哉孝明皇后

同上

孝明皇后神柩亦自滋德殿發引帝於明德門外素服設幄殿行
遣奠之禮攝中書令讀哀冊 冊文曰維乾德元年十二月七日
孝明皇后崩於滋德殿以其月庚寅殯於殿之西階粵以二丁三
癸卯遷座陪葬於西京華縣之安陵禮也宮漏將曉殿帷撤素奠

玉帛之餘酌移金釭之殘炷階進龍輅仗隨鸞洛命婦咸繇而景
從內親如初而孺慕自永巷以長辭由閤門而遠邇皇帝撫漢劍
以悼往瞻軒星以而念忘長秋闈其無人天姿慘慘羽葆御而不
返聖心惶惶詞臣奉詔恭述遺芳其詞曰輕清為天沈潛為地陽
曜垂照素靈攸儻乃命以后作配於帝所以往聖刪詩用茲首關
睢之義前王制禮於斯創人倫之始在昔龍德或躍鳳兆爰夫門
崇開閤族茂膏腴占淮契乎遐福運晉賴於嘉謀紛綸軒冕赫奕
彤螭乃生聖範合此昌圖契塗山之佐夏叶滄汭之興虞清風永
穆淑問誕敷柔順化人皆除妬媚幽閑慎獨不願遊娛常滋蘭畹
以撫椒塗至仁加於羣族大孝奉於先姑六宮以和八妾以肅奉
嚴禋於清廟勤率絃絃體光生於方祇教先種稷儉取葛覃仁遵
樛木聞三英之緩帶則載悅載忻顧百子之寢林則以鞠以育方
集克門之慶永祝華封之祝嗚呼哀哉毓德雖高降年不永神徒
罄於禳禱天何深於災眚浩公罔効彭殤尸作梗浮生易化爽延祐

於大期陰陽難知遽收華於短景復衣篋兮不開仙輶往兮莫迴
捐沉沉之紫掖遊杳杳之丹臺嗚呼哀哉龜策叶吉龍輅用還笳
蕭嗚咽仗衛駢闐侍先皇之弓劍從太后之弓劍新城之山煙畢
幕去途之野草綿綿伊洛縈迴於封外嵩山巉巖於關前念徽音
之遠矣惟此地之終焉嗚呼哀哉上同

四月九日葬孝惠皇后於安陵之西北孝明皇后於安陵之北

臣奉慰上同

二十六日奉神主祔於別廟羣臣奉慰上同

太平興國二年五月十九日孝明皇后神主升祔太廟太祖室上同

孝章皇后

太宗至道元年四月二十八日開寶皇后宋氏崩輟朝五日先是

后疾甚遷燕國長公主之第即日崩上同

二十九日太常禮院言準禮例合差官奏告天地社稷太廟從之

上同

五月一日太常禮院言親王宗室準式合給假七日以喪日為始

從之上同

三日太宗出次素服舉哀皇親皆服羣臣詣崇政殿門奉慰上同

六日命翰林學士承旨宋白議謚號禮部侍郎兼秘書監賈黃中

撰謚冊文吏部侍郎李至謨哀冊文直祕閣潘慎修書上同

十四日太常禮院言權輿日請依恭孝太子權殯禮例輟朝一日

羣臣進名奉慰從之初議卜陪葬永昌陵司天言是歲在未陰

陽所忌故權輿於涉臺上同

十七日命給事郭贇充監護使入內都知李神福都大監領喪事

上同

六月六日翰林學士承旨宋白請上謚曰孝章皇后議曰臣聞

后妃之德王化所基詩曰以御家邦禮曰以聽內治統六宮而立

教叶兩曜以齊明滿汭嬪虞光啟重華之運塗山翼夏遂成文命

之功昭示母儀流芳女史輔佐之美國謀彰聞恭惟開寶皇后柔

順利正肅雖逮下挺生公族號金穴以承家作配先朝覆玉衣而
表異彤庭鉛砌不移儉約之心織室蠶宮每盡躬親之禮夫何景
靈不祐六氣生災疾有加而無瘳壽降年而不永奄辭椒掖悲動
璇宮今皇帝追感天倫愴懷壺則輟紫宸之朝謁素御服以發哀
爰命禮官俾旌懿範下臣奉詔敢揚徽烈謚者行之迹也號者功
之表也節以一惠謚以尊名將符善行之祥宜舉易名之典謚法
慈愛忘勞曰孝溫克令儀曰章伏請謚曰孝章皇后 詔尚書省
集官議定準禮例中書令讀謚冊於靈座 冊文曰皇帝若曰恭
以定謚考終褒德揚善格言之制歷代攸遵開寶皇后爰在先朝
正位中壺儼日星曜如肱魄之示冲配乾成儀符坤厚以載物賁
河洲之令範顯沙麓之殊祥節環珮以叶和鑒必循法度服泮濯
而遵大練勳誠奢盈逮下以推仁體道而育物鴻圖有耀翠螭豈
獨於娥英茂族聯華白水徒稱於陰郭理內之風正九族用國之
望和萬邦六衣在御居極而若靈三妃成列進賢而無怠頌昌運

十年之祚光前經內則之文桂華忽謝於陰靈蕙路載盈於椒闥
固以溢美圖史流芳鍾右今禕瑜將秘龜筮同盈備物夙陳祖庭
供事杖衛慘容於雲日園林變色於雲霜舊禮具存儀容不昧合
詢有位之公議恭薦易名之大典謹遣使某官冊謚曰孝章皇后
伏惟允膺簡冊垂休無疆嗚呼哀哉

上同

七月十四日太常禮院言凶仗合用聖輿三兩請下少府監製造
從之

上同

八月十二日太常禮院言今年十一月十二日靈駕發引赴安肅
門外權攢準詔函簿儀杖減大駕之半內左右廂合設牙門旗四
得金吾仗牒稱儀仗內元無牙門旗只有紅門旗係南郊吉仗所
用按詳禮文牙旗者後周所制畫獸以助軍威名以爪牙之義今
請依禮改製牙門旗以備儀杖應奉從之

上同

十月二十一日太常禮院言十一月一日啟攢宮十二日權攢欲
望並教朝參看臣進名奉慰詔可

上同

二十三日詔三館直館安德裕等二十五人各撰挽歌十首

上同

二十四日太常禮院言將來權攢去路十里內祠廟合差官祭告

從之

上同

二十九日太常禮院言自啟攢至遣奠逐祭儀注詔啟攢宮啟奠

祖奠遣奠四祭並遣監護使郭贄攝太尉致祭其日仍止令皇親

已下立班百官只城外立班

后自入宮即有中宮之號然未降

制命故喪儀咸有降損

上同

十一月一日以啟攢宮不視朝羣臣奉慰

上同

十二日以靈輅發引有司行遣奠之禮攝中書令讀哀冊

冊文

曰維至道元年歲次乙未四月丁卯朔二十八日甲辰開寶皇后

崩於別殿謚孝莊皇后粵十一月癸卯朔十二月甲寅將遷座於

靈臺禮也攢塗夕開象物晨備唯慟編衣棘悲素纊皇帝敦睦日

深弟悌天至望蒼野以永懷威陰宮而特異祖於庭兮嗟尊靈之

震遠謚於廟兮考彝章之有自爰自下逮式揚遺懿其詞曰烈烈

太祖功高舜禹日月其文雷霆其武造我皇宋臨茲率土眷後宮
之虛位期陰教之稽古將荇菜之化供庶桃夭之斯親配于乾而
且兩詢其可而惟五微子遇曹漢氏遐孫乃忠乃孝為藩為垣躬
蟬奕奕祭戰盈門金張孰擬田實奚言慶既未央善不徒積神覆
玉衣夢懷桂魄瑞集氣黃喜捫空碧宜產夫人衣茲綸翟修德忘
勞逮下無數采官同芳萬覃擬迹樂親蠶而嘗往鄙戲焉以宣窺
抑宗親而示戒服澣濯以從宜率宮中之嬪則化天下之母儀詎
假大家之誨宣煩女史之規信人倫之是憲寶王化之攸資洎宸
駕上仙璇宮居默參樂自剛仁珠誰匿蠲脂澤之公田安練裳之
儉德希任姜兮比隆尚黃走兮銖極唯駐景兮弗能欲後天兮莫
得嗚呼哀哉玄琬將去素柰先開棄椒蘭兮奄忽委御嬪兮徘徊
收玳簪於漢殿遺寶鑑於秦臺香何之兮岱嶽遊不見兮蓬萊嗚
呼哀哉永巷吁咤長秋哀送望鸞輅兮含酸奠犧爵兮增慟去復
去兮生若浮悲且悲兮事如夢緬遺蹤兮昔也濯龍背雙闕兮依

然丹鳳嗚呼哀哉月明宮掖風迴殿扉耿蘭缸兮悄悄虛玉座兮
依依像設儼兮如在雲雨淒兮不歸來何難兮輜輶降往何易兮
朝露晞嗚呼哀哉咽強唱於山園慘松煙於隧路觀昭代兮何年
即玄扃兮長暮嵩雲黯兮野日沈輦木槨兮寒吹度唯懿範之不
忘播開睢之章句嗚呼哀哉是日帝親視朝羣臣拜送於安肅
門外皇太子及諸王戚里藩鎮皆設祭於道左上同

十二月九日太常禮院言園陵禮畢神主回行謁廟之禮祔於別
廟詔行可上同

二十九日太常禮院言來年發引應經過橋道及十里內神祠並
合差官祭告園陵畢神主回行九虞祭從之上同

二年三月二十三日太常禮院言孝章皇后故許王及夫人李氏
魏王夫人王氏楚王夫人馮氏皇太子亡妻莒國夫人潘氏將軍
惟正亡妻裴氏以來年正月二十日陪葬永昌陵謹按故事孝章
陵皇堂陵臺神牓乳臺鵲臺並如孝明園陵制度其許王贈皇太

子按唐禮合以陵為名又緣漚化四年出葬之時止用親王國簿
今請墳高一丈八尺墓田方九十步其王氏馮氏並同親王一品
例裴氏北三品例墳高一丈四尺墓田方七十步其誌文緣既改
遷望重修撰其許王合用親王國簿緣陪奉章靈駕已有中宮國
簿儀杖前導望更不施設其楚王夫人馮氏仍令依裴氏例安葬
在莒國夫人之下從之上同

十二月六日太常禮院言吉凶仗按舊儀合用內僕令一員內謁
者監四員給事二人於吉仗內騎分左右內常侍二人奉請神駕
詣龍輅及請進發內侍二人陳明器立纁及監纁并捧衣箱導神
駕內侍伯二人騎分左右來翟車並請於內臣內差攝其內給使
百二十人去年出京權攢之時曾差應奉雖禮文具載然別無執
掌園陵往復虛成煩擾今請罷差從之上同

三年正月二日啟攢八日發引並輟視朝羣臣詣閤門奉慰上同
二十日祔葬永昌陵之北二十三日虞主還京宰臣文武百官拜

迎於順天門外虞祭於燕國公主第上同

二十四日命知制誥王旦攝太尉行祔饗之禮工部員外郎席義

叟題神主函簿減半自主第導至廟上同

二月二日神主祔別廟羣臣詣閣門奉慰上同

元德皇后

真宗至道三年十二月五日制曰朕獲纂洪圖仰懷慈訓式遵茂

典誕舉徽章太宗皇帝賢妃李氏輔佐先朝發耀輝內則柔明之

範圖史芳傳顧惟涼薄之資敢忘劬勞之德追崇禮秩用慰孝思

追上尊號為皇太后上同

十七日太常禮院上言準制追尊故賢妃為太后改奉園陵請令

司天監卜地揆日宗正寺於皇后廟別立廟堂從之上同

真宗咸平元年正月九日祔閣校理舒雅請上尊諡曰元德皇后

詔恭依議曰恭惟皇太后沙麓儲祥河洲襲慶早習母師之訓

茂揚邦媛之風言德具修圖箴是憲爰被長秋之選克彰象服之

宜志在進言思均逮下服澣濯而崇儉謹珩璜而慎儀場贊取藩
表正帷壺兆殊祥於甲觀揚淑問於塗山慶奉天飛榮疏封邑主
帝聞之陰教載女史之徽猷奄忽不儀倬光儀永謝皇上由震宮
而毓德升皇極以纂戎祇荷慶靈永懷顧復孝思罔極典冊備陳
稽文母之功早參於十亂遵帝嚳之制風正於四妃爰加長樂之
稱以報昊天德易名斯在節惠可稽謹按謚法茂德不績曰元
忠和淳淑曰德伏請上尊謚曰元德皇太后上同

十四日知制誥王禹稱上謚冊文詔付所司上同

二月一日司天監言準詔改卜園陵請以三年庚子三月二十日

啟攢宮二十五日發引四月八日掩皇堂祔葬永熙陵從之上同

三月五日太常禮院言今月十二日元德皇太后忌請準禮例皇

帝前一日不視朝至日羣臣進名奉慰就佛寺行香詔恭依上同

二年四月二十三日命西京作坊副使藍繼宗為按行園陵使議

立靈號太常禮院言唐德宗昭德皇后王氏順宗之母始葬崇陵

睿宗肅明皇后始葬惠陵後祔葬橋陵周顯德末都省集議引故事帝后同陵謂之合葬同葬兆謂之祔葬漢呂后陵在長陵西首餘步以同塋兆而無名號又唐穆宗二后王氏生恭宗蕭氏生文宗並祔葬光陵之側令園陵鵲臺在允熙陵封地之內恐不須別建陵號從之上同

六月二十六日知制誥梁周翰上哀冊文詔付所司上同

三年二月七日太常禮院言啟攢發引赴園陵合用挽歌請下文班各撰二首太常禮教習從之上同

八日宗正卿趙安易言請因元德皇太后山陵之時并懿德淑德莊懷皇后各就舊位塋園改卜陵臺司天監狀葬範云因凶亦可大葬諸喪今因園陵增修陵臺並吉詔可上同

九日命宰臣李沆為園陵使翰林侍讀學士夏侯嶠為禮儀使御史中丞魏庠為儀仗使刑部侍郎郭贇為鹵簿使工部侍郎權知開封府錢若水為橋道頓遞使初禮官請如孝章故事差監護

使一員特命三使上同

十一日太常禮院言靈駕發引舊例自京至陵下十頓蓋緣梓宮舊攢普安院其發引後望止為九頓其神主迴程為五頓入京權於燕國長公主宅安置只設啟攢宮啟奠三祭更不設祖奠又故事改卜只設一虞今緣神主未升祔廟室欲請備設九虞祭畢升祔廟室從之上同

十九日太常禮院言啟攢未發引前一日合差官奏告太廟并告沿路十里內祠廟從之上同

二十日禮儀使夏使嶠言按開寶通禮改葬服總麻舉下緇也總麻是五服之下言君子不以死事視親故無反服重之禮又禮疑義戴德云制總麻具而葬葬而除謂子為父妻為夫孫為祖後餘皆吊服又云改葬前一日子孫妻妾俱服總麻葬餘親以下皆素服今參詳故事伏請皇帝服素羅衫紗軟脚幘頭黑銀腰帶皇后碧羅帕頭帔白羅寬袖衫淡黃縠子裙諸王以下並白羅衫吉幘頭

角帶羣官常服詔楚王諸子服總請王皇親請親止素服諸王夫
人及公主並常服不施花釵餘如所請同上

三月二日禮儀使言準儀注皇帝二十五日乙時挂服同時皇后
挂服準禮例成服後並合赴靈座前祭奠今緣靈駕就時辰發引
行事臣僚俱在攢庭欲請其日未挂服前皇后先詣奠時辰
成服以從便宜又皇帝親行遣奠府準禮例羣官並隨從立班
舉哀今緣皇親諸親止素服羣官常服欲望其日只令皇親諸親
陪位行禮羣官止於門外立班俟禮畢進名奉慰又露駕在路準
禮例扈從押當行事官並合哭臨今緣各衣吉服望每至頓所只
以隨從皇親踊奠一舉哭而退又發引準禮例文武羣官並合於
京城門外立班奉辭掩皇帝日神御升榻安置訖宗正少卿素服
導靈主降羨道入皇堂於神榻前奠酒再拜訖跪奏請神上主並
請依故事施行從之同上

三日禮儀使言按建德二年改卜安陵故事自啟攢宮前一日直

至掩皇堂神主到京及祔廟日並皇帝不視事今請啟攢宮發引
掩皇堂神主回京祔廟前後各一日不座並禁音樂其日中書門
下文武百官並詣西上閤門或所御幄門外進名奉慰從之上同
六日禮儀使言靈駕經過州縣官吏並吉服出城奉迎并辭再拜
訖退神主到京日中書門下文武百官立班奉迎再拜訖退從之

上同

七日禮儀使言準禮例神主祔廟日先祔謁大廟置於祖姑之室
東壁下祔祔之上宗正卿行神之禮伏緣元德皇太后以太字尊
親遂立別廟則祔謁之典於禮無文况當禘祫之時不預合食之
列饗於本廟自與太廟禮同其將來神主祔廟前三日欲請差官
奏告天地社稷太廟并后廟四室其神主便詣本廟南神門外題
主訖遷祔本室仍以常饗禮薦獻行安神之禮詔恭依上同
十五日有司祔廟南簿請減園陵之半詔勿減上同
二十日啟攢宮帝親臨奠郡羣臣奉慰是日有司奉誼冊寶告於

靈座攝中書令梁周翰讀冊

冊文曰孝子嗣皇帝臣

真宗謹再

拜稽首上言伏以孝莫大於顯親德莫厚乎追遠生有懿範未正

於尊稱歿有徽章式光於幽壤易名考行斯為舊典仰承鞠育之

重永懷霜露之歎敢敘罔極以明孝思恭惟皇太后德合先期功

存內治肅穆以奉上閑和以逮下珩璜中節車服有儀循法度以

率躬勵慈儉以垂訓輔佐之美流詠乎聲詩婉淑之裕傳芳於圖

史音容早謝日月云邁高禩之祀餘慶發祥長樂之宮慈顏永隔

藐是眇質紹隆寶圖居萬來之尊有四海之富而劬勞莫報孺慕

增感嗚呼為天下之母弗能饗三牲之養為天下之君弗能奉一

日之膳風林不止悠悠彼蒼而况堯母之門歸然空作儀坤之廟

闕而未立是用申明詔下有司務依故實式展情禮僉謂后妃之

制簡牘具存以子貴者春秋之明文加皇太者秦漢之故事所宜

按周公之謚旌文母之賢遠徵仲子考宮之儀近取昭成祔葬之

禮玉衣象服備物如式九原可作保斯印綬百代不刊永光載籍

謹遣攝太尉奉玉冊玉寶上尊諡曰元德皇太后伏惟神靈降格
膺茲典禮上配聖考在天照臨保佑沖人饗國長久廟貌著當世
世勿絕嗚呼哀哉

同上

二十五日靈駕發引帝詣普安禪院行祖奠及龍輜降殿帝從皇
親諸親陪後階哭梓宮就大升輿復行遣奠奉辭攝中書令讀哀
冊冊文曰維咸平元年三月戊寅朔二十日丁酉追上太宗皇
帝賢妃李氏尊諡曰元德皇太后粵四月乙卯遷座祔於永熙陵
之次禮也翟輅宵陳雞人曉唱虛庭挈乎祖載修路儼乎仙仗九
重天至以如慕六宮日遠而增愴哀子嗣皇帝運昌繼體孝極因
心荷寶圖之惟永惟懷慈慶訓之下臨事先遠今兆叶志慎終兮
感深乃詔近侍恭播徽音其詞曰皇家積慶昊穹眷命構象膺乾
來嬪偶聖高陽命族屬鄉得姓派別韓魏門傳英偉華穀接軫黃
雲効祉五可夙彰六行純備粵自藝祖揖讓登皇帝尹京邑表則
四方后治閨壺身順含章流虹感粹夢日延祥塗山誕啟贊氏生

昌爰洎神宗承平御歷汾晉遠定閩吳來格海外憚威域中漬澤
輔佐邦治溫柔惠迪登進時賢勤勞軫惻助饗紫壇奉祠清廟種
稂致恭絃絃盡妙動循典禮式是準繩居翫國史明於廢興聰睿
周敏顧問允膺節勵清門儉敦素履環珮有聲簪珥防侈卹隱流
惠辭封播美賢以興化世仰餘輝仁則多青天胡有違黃祗隕載
皓魄沈暉皇子勝衣受封胙土漢邸承徽姬宗夾輔維寧攸賴問
安莫賄覩元良肇建萬國以明地啟蒼震天臨玉京克廣丕構長
懷善成德無疆兮坤元業有開兮聖嗣承天道兮慶其長啟帝緒
兮昌而熾壽觴稱慶兮養莫伸脂澤增感兮哀靡寘嗚呼哉哀哉
禮祥衣兮有奉貴玉璽兮是徵廟如在今肅肅祭以時兮蒸蒸帝
母之尊兮斯至昊天之感兮難勝嗚呼哀哉洞啟山園風淩雲馭
企穀林之封域拂嵩丘之煙霧石闕沈沈兮夜臺柏城慘慘兮朝
露嗚呼哀哉稽任姒之壺政冠周召之國風唯重熙之錫羨與三
代而比隆播彤管兮有煒祐皇祚兮無窮嗚呼哀哉 羣臣詣帷

奉慰上同

四月八日祔葬永熙陵上同

十三日虞主至京百官郊迎虞祭於故燕國大長公主第上同

二十日奉安神主於新廟自啟攢發引掩皇堂及神主還都皆廢朝禁京城音樂羣臣奉慰虞祭內止座長春殿羣臣起居不舞蹈

大中祥符六年十月三日升祔太廟太宗室上同

禮

宋會要

明德皇后

真宗景德元年三月十五日皇太后崩於萬安宮之滋德殿遺詔曰内外文武臣僚等日月運行春秋代謝人生定分天道難知于自去冬嬰茲疾疹百藥無效四體積歲有加無瘳迫於大限宜申治命用示所懷皇帝至孝至仁克勤克儉躬親侍奉旦夕煎調憂損于容衣不解帶然而天位至重君臨事繁必思軍國之大綱無執庭闈之近禮所宜自勉弗用過哀更賴股肱近臣共為開釋皇帝成服之後三日聽政服紀以日易月一依舊政制在京文武羣臣十三日除文武百僚諸司長官及近臣觀察使已上臨於宮庭自餘職官臨於宮門外諸路官吏已下三日釋服軍民不用編素沿邊不用舉哀制服釋服之後勿禁作樂園陵制度務在儉省勉從予志勿事煩勞是日宰臣文武百官入臨奉慰帝於東序

卷七十三
百六十六

要

十六日太常禮院言準禮例應祠祭除天地社稷及諸大祠外太廟及中祠並合權停俟園陵畢京城內外禁斷音樂至皇帝釋服並仍舊中書門下文武百僚樞密使節度防禦團練刺史前任行軍副使諸軍指揮使副兵馬使三班殿直已上並服齊衰布四腳直領布襴衫腰經並詔可中書樞密院主事以上及禮直官亦然

上同

十七日羣臣上表請聽政詔答不允自是繼上五表始詔允同十八日大斂羣臣入臨奉慰太常禮院言按通典小祥前百官無假每日平明詣延英門進名起居不入正衙今請除成服日百官入詣萬安宮臨訖移班奉慰成服後未聽政前百官並詣萬安宮進名起居聽政之後並詣崇政殿起居又皇帝小祥日去經杖衰裳百官入臨及移班奉慰詔百官並釋衰服服常服訖今請小祥後過大祥及禫除日百官並詣萬安宮門外立班進名奉慰餘日即並於崇政殿序班起居俟皇帝釋禫除日如舊例朝參其小祥

日仍進名奉慰皇后百官釋服後月朔亦於萬安宮進名奉慰
除訖後圓陵朔望特不視事二十八日攢於萬安宮按昭憲皇太
后禮例百官已除服不臨今祥二十八日百官已除服望只今詣
萬安宮門外立班進名奉慰並從之上同

二十一日有司設幄於崇政殿廊帝去杖經服衰裳近臣扶即御
座哀動左右宰臣李沆等跪奏陛下毀瘠過甚伏望割哀強食以
為宗廟社稷臣等不勝大願而退上同

二十二日命宮苑使劉承規為園陵按行使入內副都知鄧永
副之仍詔與西京作坊副使監繼宗同議上同

二十三日太常禮院言皇后本服齊衰三年準昭憲皇太后禮例
合隨皇帝以日易月之制四月十日釋服四月十二日禪除宗室
雍王以下禪除畢吉服心喪終制今月二十七日小祥皇帝親行
祭奠訖太常卿引皇帝詣東閣即御座羣臣移班近東再拜奉慰
還就幕次釋衰服並從之上同

二十五日太常禮院言大祥日皇帝改服素紗軟脚幘頭淡黃衫

黑銀腰帶至禫除日服常服詔可工同

二十七日小祥羣臣入臨奉慰如儀工同

二十八日司天監言準詔興翰林天文剋擇陰陽官以諸家藏書

同選定園陵歲月方位緣今年歲在甲辰不利動土須俟丙午年

十月方吉請止於今年閏九月二十二日就西北壬地權攢詔下

尚書省集文班百官與翰林學士并朝官自來與免及不赴集議

官並令赴省詳定以聞工同

四月一日吏部侍郎集賢院學士判太常寺郭贄上尊謚曰明德

皇太后詔恭依議曰臣聞一氣肇分天地列剛柔之位三才既

序邦家立內外之朝周十亂而文母推賢漢六宮而明后著美陰

教克宣於內助母儀允顯於萬方恭維皇太后挺生世家作配宸

極玉衣覆寢顯符甄后之祥璇宮炳靈迥表星娥之瑞雍肅早彰

於慎密賢明動叶於箴規方期內贊雍熙外康億兆忽嬰疾疹俄

歷冬春進藥餌以無過時神祇而帝應皇帝至仁至孝事地事天
情鍾陟配之哀禮過茹荼之戚永懷罔極欽奉鴻名爰命有司式
遵茂典下臣虔審旨用闡徽猷且謚者行之迹也號者名之美也
考之善行定以美名冀揚不朽之芳永播無窮之譽謹按謚法曰
無幽不察曰明中和純備曰德伏請上尊謚曰明德皇太后曰
四曰升太常禮院孫何等言準詔詳定園陵月日者伏以宗廟之
儀饗祀為大若三年不祭則闕孰甚焉今司天監言丙午歲方利
大葬今歲止可於王地權攢仍勿動土臣等再三詢問復有論列
安敢以禮官博士之議拒馮相保章之說况事繫國寢理要便宜
今參詳喪葬之義古有變禮合祔自乎姬旦始置由乎晉襄書之
簡編亦無譏誚謹按禮云葬者藏也欲人不得見也既不欲穿墳
動土則莫若便就司天監所擇地依喪記王后之殯居棺以龍輅
攢木題湊象椁上四注如屋以覆蓋盡達之合理重若不欲入土
既即至時焚之如此即是用攢禮而存葬者所冀稍合典經便可

升祔神主九虞之祭至日可行七廟之尊三年獲薦帝曰陰陽拘
忌前代不取今但依典禮而行不煩定議宰臣李沆等奏近年皇
族繼有悲慘又母后上仙聖心遇有哀毀陰陽之說亦有所疑恐
須避忌若如禮官所請則於國家之事得合便宜宗廟之祠亦無
曠闕從之宗正卿趙安易上言伏覩眾議明德皇太后閏九月
二十二日於土地權攢依禮例理重升祔神主臣今以為未可埋
重預升祔神主潰亂陵廟唐突祖宗也况諸廟既及七月既即合
依時薦饗臣當職分審合奏陳伏望下尚書都省或御史臺集京
百司官吏太常禮院等令檢勘等帳分祈向來祇奉帝后如委是
六室先止陵後祔廟則將來靈座發引乞約孝章近例徑於土地
權攢未立神立升祔凶儀一切祇奉俟丙午年靈駕西去園陵東
迴祔廟如此則免顛倒不利國家詔禮院詳定以聞并院孫何等
言據安易狀言禮云既虞作主虞者已葬設吉祭也明未葬則未
立虞主及神主所以周制但鑿木為懸重以神主靈王后七月大

葬則埋懸重掩玄宮凶杖輟輿車龍輜之屬焚於柏城訖始可立
虞主吉杖還京備其九終後埋虞主然後立神主升廟室自曠古
至皇朝上奉祖宗陵廟遵行此禮何以今日乃違典章苟且升祔
方權攬妄立神主未大葬輒埋懸重木柩棺柩未歸園陵則神靈
豈入太廟祭柏城未焚凶仗則凶穢唐突祖宗者本院先按晉書
王太后崩廢一時之祀天地明堂去樂不上胙又按禮王后崩五
祀之祭不行既殯而祭所言五祀不行則天地之祭不廢遂議以
園陵年月不使須至變禮從宜又緣先準禮文候神主升祔畢方
行饗祀若俟丙午歲則三年不祭宗廟於禮文既有所闕在孝思
抑亦不為光明德皇太后德配先朝禮合升祔遂與史館檢討同
參詳以為廟未符則神靈不至伏恐祭祀難行攬既畢則梓宮在
郊可以葬禮比附遂按禮云葬者藏也欲人不得而見也就不欲
穿塋動土則龍輜攬木題湊象柳上四注如星以覆蓋塗之所合
埋重一依近例便可升祔神主中書門下以為國家之事得合便

宜宗廟之祠免於廢闕用茲定議實亦無嫌議允所奏下有司尋
蒙詔可伏以宗廟之事至重至嚴誠非職司所敢輕議詳此蓋安
易本不知書直謂未升祔間諸廟既及七月即合依時薦饗所以
妄稱瞽言謂凶仗謂凶穢目郡官謂顛倒指梓宮直名棺柩令百
司分析園陵浼漬聖聽誣罔臣下又云昔日親羣官顛倒奉明德
皇太后獨先祔廟後園陵者本院詳當時先山陵後祔廟蓋為年
月便順別無陰陽拘忌孝章皇后乃太宗嫂氏不妨宗廟祭饗今
既年月未便禮合從宜未埋重則禮文不備未升祔則廟祭猶闕
須從變禮以合聖情夫三王不相襲禮五帝不相沿樂愚夫則孰
而守之妄生異議况已經中書參定詔命頒行兼明德皇太后將
赴權櫬而安易所稱柏城未焚凶杖則凶穢唐突祖宗本院按禮
弓云喪之朝也順死者之孝心也鄭玄注云謂遷柩於廟又云其
哀離其室也故至於祖考之廟而後行商朝而殯於祖周朝而遂
葬今亦遙辭宗廟豈可以禮經所出目為顛倒吉凶具儀謂之唐

突又云孝章皇后至道元年崩亦緣有所嫌避未赴園陵出京權
攢之時不立神主入廟直至至道三年西去園陵禮畢然後奉唐
主還京易神主祔廟以合典經本院檢詳當時文籍孝章為太宗
嫂氏上仙之時止輟五日視朝百官不曾成服已與今來不同從
初亦無詔命今住廟鑒今明德皇太后母儀天下主上孝極曾願
上仙之初即有遺命權停鑾祀按於禮文固合如此安易荒唐庸
昧妄有爰引以大功之親比三年之喪制固欺君上乃至於斯本
院所議並明稱典故旁考時宜雖曰從權粗亦稽古在宗廟則不
乖祭祀於園陵則無失便安音墨衰起於晉裴縉紳不議合祔出
於姬旦賢達無譏孝章配世祖於更衣見稱范史叔孫作原廟於
複道載美班書豈不以為所慮者遠圖所成者大事務叶通人之
論不妨近俗之譏就而酌中雅合權變顛倒苟且孰為而然究經
詢議而爽丕式仗請一依本院元狀施行詔可

五日太常禮院言準昭憲皇太后禮例議號敕下日百官詣閣奉

愍今月六日謚號敕下日望依故事從之

上同

九日羣臣上表請御正殿自是三上表始允

以十四日御正殿

上同

十日大祥羣臣奉愍如儀

上同

十三日命翰林學士承旨宋白撰哀冊文知制誥李宗諤撰謚冊

文知制誥趙安仁書冊寶

上同

五月一日以梓宮在殯不視朝自是至升柩朔望皆然

上同

六日詔兩制三館祕閣官各撰挽詞五首送中書省

上同

二十五日按行使劉承珪言得司天監史序狀園陵宜在元德皇

太后陵西安葬其周王墳先葬孝章皇后陵北亦無妨礙其地南

神門外去永熙陵地百二十一步東神門外去元德陵西於神門

外封地侵卻十五步餘二十五步作分兩陵封地其地西稍高地

勢不平按一行地里經地有土厓不平擁塞風水宜平治之正在

永熙陵王地如貫魚之形從之時又令承珪等并按行安王周

王瑩域帝閱其地圖謂宰臣曰乃以周王祔永熙陵而安王處於

外少長失序此尤非便宜別度地以聞上同

二十七日以宰臣李沆為園陵使翰林學士承旨宋白為禮儀使

御史中丞呂文仲為儀杖使吏部侍郎郭贇為鹵簿使翰林學士

知開封府梁顥為橋道頓遞使沆卒宰臣畢士安代顥卒光祿卿

權知開封府陳省華代上同

六月一日禮儀使言請就安肅門外浚儀縣旌孝鄉程趙村沙臺

設攢宮用柏塹籠帳靈駕由西上閤門朝堂門右昇龍門出乾元

門閤闔門過白鵲橋出安肅門至普濟院東神主迴日入右掖門

右承天門於萬安宮奉安從之上同

二十五日卒哭不視事羣臣奉慰如儀上同

二十九日中書門下言已經卒哭望許京城及諸州不禁樂從之

上同七月二十二日禮儀使請升祔題神主除太字從之上同

八月二日太常禮院言今月十二日太尉率百僚奉謚冊告太廟

伏尋禮例親王樞密使副使宣徽使翰林樞密直學士並赴諸司

使及軍員並不赴詔唯親王不赴餘並依時闕宰相唯參知政

事畢士安攝太尉帝以班序不便故令親王不赴及行禮時士安

已相復詔親王並皆赴上同

十二日攝太尉宰臣畢士安率羣臣奉謚冊寶告於太廟翌日上

於萬安宮之靈座冊文曰孝子嗣皇帝御名謹再拜稽首上言

伏以奉先追遠人子之大猷考行易名格言之彝訓仰懷顧復之

重莫伸孺慕之心思極尊稱以光懿範恭維大行皇太后塗山陽

慶沙麓除祥配乾居尊儂日垂照而自佐佑先帝雍容內朝周旋

合於聲詩造次循於法度母儀萬物二紀於茲允族用親六宮是

式猥以宗昧祇荷宗祧寶奉寶繼體宸極橋山送往常積於孝思

長樂問安方榮於色養每遵清淨之教敢忘黃老之言痛聖善之

長違念風木以增感昊天罔極遠日有期爰命有司時咨故實節

以一惠式揚盛烈禕祿將秘範策同寅典禮具存明靈如在是用

定議宗廟告謚凡筵謹遣攝太尉吏部侍郎平章事畢士安奉冊
寶上尊謚曰明德皇太后伏惟神鑒昭格體茲至宮配聖考以在
天饗鴻名於永世騰休簡冊茂揚耿光億萬斯年垂裕無極謹言

上同

九月十日禮儀使言靈駕赴攢宮日皇帝親行啟奠祖奠乾元門
外遣奠至攢宮有司攝事行遷奠并掩攢宮祭及設第一虞祭畢
迎神主升翟車還京赴萬安宮行安神之祭伏緣百官出城奉辭
又入赴西上閤門奉慰若神主當日還京又須出城奉迎一日之
內禮容重疊護衛車輅來往奔馳欲望攢宮經宿至二十三日第
二虞祭畢迎神主還京所冀禮容周備又按昭憲皇太后時侍中
一員奏請靈駕升降進發權駐元德皇太后時只內常侍奏請今
請依元德故事止命內常侍奏請從之

上同

十九日禮儀使言起靈時早啟奠祖奠行事官合就學士院閤門
宿止自啟攢百僚皇親各服初喪服軍員內班更不服初喪之服

內庭諸色人執事職掌五使人從只服本色公裳啟攢宮前三日合禁止在京音樂候祔廟畢仍舊並從之同上

二十四日禮儀使言神主迴赴萬安宮奉安禮畢宗正卿以酒脯安神具日望令百官詣西上閣門進名奉慰詔奉迎神主宜盡嚴恭其迴宮日朕服靴袍於萬安宮門內奉迎前導至萬安殿行禮候祔廟日亦服靴袍出乾元門外奉辭餘可同上

二十六日禮儀使言準禮例太宗神主迴京內諸司使副已下及軍員將校只於順天門外奉迎退赴西上閣門奉慰今請依舊例只於安肅門外奉迎俟樞密使赴萬安宮行禮退奉慰昭憲皇太后山陵禮例自啟攢前三日直至園陵禮畢神主到京皇帝並不座放朝參祔廟日亦不座百官奉慰太宗山陵禮例續詔神主未祔廟以前方行虞祭依舊前後殿不座元德皇太后園陵禮例啟攢及發引掩皇堂神主迴京并祔廟日並不視事百官奉慰其祔廟以前京朝官並於後殿見謝辭今請自啟攢前三日直至祔廟

日前殿不座其啟櫬發引掩櫬宮神主到京祔廟日仍不視事見謝辭止就後殿並從之上同

閏九月十九日太常禮院言檢詳通禮義纂云三年之喪以為至痛極也聖人制禮不以死傷生為取法四時變易應歲時之氣以殺其情故二十五日除衰裳去杖經也又喪大記云弃杖斷而弃之於隱處鄭注以喪服至重不得襲之按禮祭服弊則焚之衰裳亦當焚也今緣權攢禮畢已從葬禮以日易月又當服除望俟乾元門外奉辭禮畢吉服還內所有衰經並請焚之其諸王並六宮衰服亦請焚之又按穀梁云葬桓王傳曰改葬也改葬之禮總舉下緇也稱總舉五服之下以喪緇邈遠也故改葬之禮其服輕言緇釋所以總也至丙午改葬之時準禮例皇帝服素紗軟脚幘頭白羅衫黑銀帶及諸王已下並服白羅衫腰經帶初賢奏以攢宮禮畢焚弃喪服甚難其事宰臣固引典禮為對乃下詔曰葬而除服雖俯就於禮文以奉先方永懷於創鉅在於皇族合守心喪

庶全攀慕之誠以畢外祥之制帝慮皇族中以為釋服不能謹守

心喪有違禮制乃降是詔上同

二十日啟攢宮帝與諸王宗室真經羣臣素服臨於萬安宮翌日

羣臣朝夕臨上同

二十二日帝啟奠畢梓宮升龍輜祖奠徹行哭從出乾元門設道

奠攝中書侍郎讀哀冊冊文曰維景德元年歲次甲辰三月乙

酉朔十五日己亥明德皇太后崩於萬安宮之滋德殿以其月二

十七日辛亥殯於殿之西階閏九月壬子朔二十二日癸酉遷座

於攢宮禮也素衛宵陳獻祖躬撤黼帟洞啟龍輜停輟瞻神御之

將移痛琬宮之永訣哀子嗣皇帝天孝攸資雨泣纏悲承慈顏而

不及念僊駕以難追徽音如在懿範長垂爰詔下臣奉揚芳規其

詞曰神宗繼統繫字為尊內朝正位德契柔純河洲令德茂茂

清門彤管有煒蘭芳玉溫仙李遐胄日華凝秀遠下仁深載物思

厚化被六宮言乎九有仁聖之姿溥率之母月吐黃芒人施玉衣

珩璜有節禕瑜以歸沿江必循種稜無違正名宮室率禮嬪妃輔
佐先帝光昭內則長樂居尊大練無飾陰教施於公宮箴誡形於
邦國何卜世之方隆而降年之有極嗚呼哀哉日往月來春敷冬
索故歲方暮惟疾初作上感宸襟止期勿藥寒沍外侵風虛內薄
冰霰陰凝軒星夜落嗚呼哀哉戚里悲摧國族悽愴草木變哀人
靈沮喪椒風詎可以少留蕙路徒增於悵望嗚呼哀哉王靈獻兆
吉日惟良金根夙駕神路攸長背都闔之凝邃流挽唱之悲涼歎
九虞之蠲潔鑒六璉之蒸嘗歎輝光兮無效嗟玉釜之虛芳嗚呼
哀哉驚輅返兮神駕收椒殿寂兮闕秋昔比帝子之望舜今如文
母之興周結遺愛而山積宣惠問而川流惟悼史之紀德巨億載
而揚休嗚呼哀哉帝躋踴奉辭既發引哭還宮上同
二十三日羣臣詣安肅門外奉迎虞主以虞祭未畢入居萬安殿
帝迎拜於宮外嗚咽流涕禮畢羣臣奉慰上同
十月十七日帝齋於長春殿翌日祔神主於太廟太宗皇帝室帝

自萬安宮步導至乾元門再拜涕泣奉辭羣臣奉慰上同

二年正月十四日詔以此月十八日親朝拜明德皇后攢宮令太

常禮院定儀以聞禮院請其日設幄殿於攢宮之側文武百官

及皇親先赴幕次俟皇帝常服乘馬出內至幄殿改常服淺色淡

黃羅紗袍太常卿贊導行事皇帝再拜哭位設珍羞之饌侍臣進

酒讀祝版奉辭訖常服還內詔特製素白之服餘如所請又請立

班日諸司使副及軍員並不預從之仍令入內副都知鄧永遷依

此勾當上同

十七日遣西京作坊副使藍繼宗修奉園陵上同

三月四日太常禮院言今月十五日小祥伏請皇帝不視事十日

羣臣進名奉慰退詣佛寺行香詔特前殿不座七日禁止京城有

樂餘依所請上同

三年二月六日帝詣攢宮行朝拜之禮如二年之儀上同

三月一日太常禮院言今月十五日大祥忌辰伏緣明德皇后

已從葬禮衰服經杖並已焚之別無變除之文須至酌情特定前
後各一日不視事羣臣進名奉慰退赴佛寺行香又按開寶通禮
大祥之日設祭徹饌掌事者除靈座以降自大祥後外無哭者至
禫祭日設几筵自禫之後內無哭者令詳皇族雖守心喪禮從吉
祭神主祔廟又已踰年其大祥忌辰伏請皇帝常服詣萬安宮設
饌祭殿禮畢除靈座釋素服服吉服如常儀所有禫祭日設几筵
今緣服制已除別無變易望更不行癸亥不坐及羣臣進名奉慰
之禮詔大祥忌日不視事五日特製素白之衣仍禁中在城音樂
十日禫除日不視事及除靈座日朕躬親扶護神御別設一祭祀
文如遺奠之意餘如所奏

同上

四日詔以大祥俯通自今日後羣臣起居於長春殿權罷舞蹈

同上

七月二十三日以宰臣王旦為園陵使翰林學士晁迥為禮儀使
御使中丞王嗣宗為儀杖使吏部侍郎郭贍為鹵簿使樞密直學
士權知開封府李濬為橋道頓遞使是冬賜王旦錢百萬米麵各

百石羊豬各一百酒三百瓶炭千秤薪三千斤又令應緣儀杖小

可過犯姜軍中區斷徒已上罪並取園陵使處分

上同

八月二十八日禮儀使言將來啟攢宮請皇帝赴攢宮幕殿成服

行奠酌之禮詔恭依

上同

九月二日禮儀使言啟攢宮前一日至掩皇堂後一日並請皇帝

不座攢所發引掩皇堂日並不視事羣臣皆詣所御殿帷門奉慰

仍禁在京音樂

上同

三日禮儀使言靈駕在路準禮例每住程應扈從行事官並哭臨

今緣皆以吉服行事望每程於帷殿橫行奠酌訖退其隨從皇親

設補奠一舉哭而止所過官吏吉服出城奉迎奉辭掩皇堂日園

陵使已下進表奉慰又準禮例啟攢日百官詣西上閤門奉慰今

緣其日乘輿出赴攢宮成服行奠酌之禮望并令赴攢宮俟奠酌

畢於御帷門外奉慰從之

上同

十四日樞密上言園陵吉凶儀杖步騎五千三十一人望以拱聖

天武軍充從之。帝慮有司以頓遞廣有須索擾人，乃詔內侍取宮掖諸王院一行人數付御廚翰林儀鸞司，除本司祇備外具所須什物畫一以聞。即詔州縣供給，仍諭所至非有宣敕不得應付。揭榜以示民，後以風雪賜役卒錢，令休息之。同

二十七日，龍圖待制陳彭年言：司天監選定十月十六日申時，當駕發引，陛下永懷罔極。存隆制書，將以未明親臨遣奠，竊尋歷代以至聖朝園陵之儀，未有夙陳五輅、宵啟九門，出自宮城，遠赴郊野者也。伏望還霜露之悲愼，嚴牆之戒，申命禮官別議從宜之制。或先事一日酌奠於攢宮，或既發未明奉辭於別次，雖屈至性，深協輿情。詔司天監別擇時以聞。遂改用丙時。同

十月三日，以將啟攢宮，不視朝。同

四日，帝詣攢宮行獻奠之禮。同

十五日，帝再詣攢宮致奠。同

十六日，靈駕發引，帝素服行祖奠，遣奠之禮，號慕嗚咽，奉辭訖歸。

大次俟靈駕稍遠乃還宮上同

十九日遣中使馳驛詔園陵頓遞使令所至以鄴王安王周王喪

就東西序設次仍畫圖示之先是所司備頓置靈駕所次並設

三王幄殿皆位南向帝問之以其失尊卑之別遂有是命且怒禮

司之廢俟迴日按其罪及還旦等上表待罪詔答諭釋之上同

二十九日以掩皇堂不視朝上同

十一月三日以神御至克不視朝先是有司言神御到京無奉迎

之禮特詔不視朝上同

五日賜園陵使王旦等器帛有差應祇奉園陵沿路置頓地復來

年夏租陵所役人並優賜之上同

章懷皇后

至道三年禎宗即位六月十三日制曰朕仰荷慶靈嗣守基構永

永懷言舊之感再稽追遠之文聿舉徽章用旌幽隧故莒國夫人

潘氏早以華胄嬪於沖人克遵圖史之規茂著河洲之德正名中

壹允極哀榮可追冊為皇后

上同

至道三年正月陪孝章皇后葬永昌陵西北

上同

七月二十四日直秘閣朱昂請上謚曰莊懷皇后認可

議曰臣

間推美者在乎易名錫號者在乎考實此定謚之大旨也其或謚

範前者柔風後垂宜撫芳猷用符徽稱國有舊典我舉而行伏以

故莒國夫人道升坤靈德隆陰教非善不舉率禮無違居則有蘋

藻之勤動則有璵璠之節慈以接順以睦親長秋之位未昇大夜

之悲俄至靈駕不返仙籍長歸無方士以推尋動聖皇之悵悵今

則皇帝以續承大業恢振丕圖澤流九泉恩覃八表悵修齡之不

饗嘆中壺之未居寶帳兮徘徊可傷瑤池兮歸去可速繇是舉其

茂典飾以崇名追行金鈿之榮表正旋宮之位永言范昧諒極哀

榮謹按謚法履正志和曰莊慈仁哲行曰懷伏請上謚號曰莊懷

皇后

上同

八月三日朱昂上陵名曰保泰本廟舞名曰永和從之

上同

十一月三日神主祔后廟

同上

章穆皇后

眞宗景德四年四月十五日章穆皇后郭氏崩於萬歲殿之後寢
遷座於萬安宮宰臣王旦等見帝萬安殿之別次奉慰是日輔臣
節度使兩省五品尚書四品諸司三品以上並入臨於萬安宮庭
文武百官諸軍將校內諸司使副以下並臨於宮門之外遣官分
告天地太廟社稷

同上

十六日太常禮院言準禮例唯祭天地社稷及諸大祠其太廟及
中祠並權停俟園陵畢京城禁音樂至皇帝釋服日並仍舊又按
孝明皇后故事皇帝未成服羣臣日赴萬安宮一臨皇帝七日釋
服羣臣三日釋服諸道州府官吏計到日舉哀成服三日而除治
遼州縣軍鎮並不舉哀詔從之時議遣使告契丹王旦等或請
止令邊臣具錄詔命以告之帝曰命使赴告於理為順然每歲兩
次命使而往頗聞彼中供億勤至今若以此命使即自此凡有大

禮大故各須命使交馳益增煩費也若莫密諭安撫司俟彼中遣人來體問即錄詔命報之或來人詢以朝廷不行訃告之意當令李允則具言朝廷與契丹故無猜聞今者不專遣使訃告蓋慮勞

煩之意

上同

十七日大常禮院言按唐太宗文德長孫皇后上仙百僚服三日其禁衛諸軍使各於本軍廳事素服臨六品以下非常參官及士庶各於本家素服一臨竊詳素服本家明非衰服矣又據聖朝孝明皇后上仙百官成服三日仍日臨退易吉服出內城漢魏相好觀漢家故事以為古今異制務在奉行故事而已當今典策遺文既沿革而不備祖宗近制宜遵守而無違欲望依故事羣臣成服臨退易吉服出內城去金銀帶魚袋俟釋服仍舊軍員別無幕次許取便於皇城門內易衣又準禮例中書門下文武百官節度防團刺史前任行軍副使諸軍指揮使副兵馬使以上並服齊衰服親王宗室四脚布領襖衫腰帶長公主郡縣主宗婦布帨頭帔子

布裙服並白羅襪服詔可仍於廊下設幕次同上

十八日知樞密院王欽若上言伏覩敕文皇帝本服齊衰準近例
七日釋服非尋周易月之制請改至十三日釋服庶合禮文詔崇
文院檢討龍圖閣待制陳彭年檢討故事彭年言按唐德宗皇后
王氏薨太常博士徐乾議周景王有后之喪既葬除服準禮七月
而葬帝得以七日除服又按春秋左氏傳杜預注天子絕期唯服
三年又晉穆后楊后之喪並既葬而除唐德宗朝禮官柳冕等議
皇后為父母服十三月其稟朝旨十三日而除會昌五年武宗為
恭宗母義安太后服期行易月之制十三日釋服則別無帝王為
皇后行期周易月故事中書以聞帝以欽若之言為允乃下詔曰
帝王禮樂沿革不同因事從宜亦存前訓今者宮闈遽戚官司定
議質聖祖之舊章協宗周之令典顧循謹議持有沿情用導盡傷
亦傷敦風化朕今用十三日釋服同上

十九日大斂羣臣成服進名奉慰太常禮院言準禮例百官成服

後三日朝臨而釋服不入朝櫬塗及皇帝釋服日並於萬安宮門外進名奉慰其兩日請不視事從之上同

二十日龍圖閣待制杜鎬言準詔檢討歷代皇后上仙無羣臣請聽政之表即無不視事之例今太常禮院詳定以聞既而上言請羣臣釋服後皇帝於便殿視事皇帝釋服後即前殿視事釋服日進名奉慰從之上同

二十一日司天監上言選定園陵月日宜在辛哭之內舉葬請以五月二十九日啟攢宮六月八日發引二十一日掩皇堂帝曰此亦便於事雖不取七月之期於義無嫌但每事務從簡儉是所宜也乃命內侍左都班副都知閻承翰為園陵按行使入內副都知監繼宗副之承翰等言永安縣陵臺側有地三兩司天監並云地位不廣無可選擇帝令祔元德皇太后陵安葬但可安厝不必更要寬廣其棺槨等物無得鐫刻花樣務令優足又以密通諸陵神貴安靜其役徒不得輒令喧鬧及率眾唱號當此暑熱每至日

中各令憩歇或風雨飄暴亦須權停諸陵松柏無令傷動兼慮此

盛暑少屋宇憩泊速諭三司以船運廢席竹竿三二萬數往彼

上同

二十五日殯於萬安宮之西階羣臣奉慰

二十八日帝釋服羣臣奉慰命入內副都知藍繼宗內殿崇班張

繼能三陵都監康仁過高品閤文度同監修園陵步軍都御侯鄭

上同

誠為都鈴轄孫正辭副之

二十九日以宰臣王旦為園陵使翰林學士晁迥為禮儀使御史

中丞王嗣宗為儀杖使工部侍郎魏庠為園簿使樞密直學士權

知開封府李潛為橋道頓遞使命翰林學士晁迥撰謚冊文楊億

撰哀冊文知制誥周起書翰林學士判太常寺李宗諤議謚號

上同

五月一日不視朝羣臣奉慰自是訖外附朔望皆然

上同

二日詔兩制三館秘閣官各撰挽詞五首

上同

十一日禮儀使言準禮例發引所過州縣官吏素服出城奉迎及

辭皆哭十五舉音神主迴日奉迎到京日百官班迎今請並準近

例其隨從園陵皇親及文武官員並服初喪服望令每至宿頓立班臨哭奠醑又安陵故事啟陵日會葬者服總麻不會者不服掩皇堂畢除之今請羣臣發引日並服初喪服又按孝明皇后發引日皇帝服本服親行遣奠改常服還內周顯德中宣懿皇后啟攢宮時亦然今請準故事啟攢宮前三刻皇帝服衰服文武官及皇親各服初喪服入詣宮庭行禮俟梓宮出乾元門皇帝行遣奠請哀冊訖百官再拜退不會葬者城外奉辭訖改常服詣西上閤門奉慰會葬者俟皇堂畢改常服虞祭神主迴奉安於瓊林苑緣苑中前殿有花竹難於立班升降欲止就西階奉安昨降詔自啟攢至掩皇堂禁音樂緣六月二十六日卒哭七月三日神主祔廟相去尚有七日望仍禁止從之同

十六日翰林學士判太常寺李宗諤請上謚曰莊穆皇后詔可議曰臣聞關雎為王化之基坤元以厚德載物是以椒塗在御正位而聽內朝蕙問既淪易名而示四海流芳亙古垂裕方來奉節

惠之文有不刊之典伏惟大行皇后斗維降慶沙麓儲休令質柔嘉懿姿純茂靈符告於石宇吉祥驗於王衣粵自邦媛有歸戚藩作儼逮事先帝寅奉皇姑恭順發於誠心正淑表於姻戚銅扉肇啟金璽永榮執纂組以彌勤服圖史而無斁屬牆明於大寶爰總治於長秋德冠六宮母臨萬國樛木逮下聿協聲詩大練為衣克敵儉素而又侍養樂順承慈顏朝夕勤紛帨之儀行步有佩環之節允釐壺則式是邦家所宜永服禕褕勤事種稊而軒星掩曜桂魄沈暉遽謝昌辰靡延鴻算皇上悼音徽之如昨念日月之有期爰命下臣仰稽前訓庶芳猷之不泯紀大號以長存作者策書告於宗廟謹按溢法履正志和曰莊賢德信修曰穆伏請謚曰莊穆詔尚書省集翰林學士兩省御史臺宮本省六品諸司四品已上定議以聞吏部尚書張齊賢等上議曰臣等聞天清明而秉陽乃恢圉覆地博厚而載物遂正方輿萬彙於是財成二儀以之功濟亦由伉儷重人倫之本河洲隆王化之基恭維大行皇后承乾清

明法地柔順稟汾陽之慶緒龍塗山之令儀主上銀榜升儲謀猷
夙効王宸嗣統輔佐惟寅嬪虞契月瓦之明媚周叶天飛之運神
宗聖母昔揚賢淑之彌清廟閔宮虞奉吉蠲之祀勤宣四教表正
六宮蹈陰陽之和德範昭矣服圖史之訓美善具焉運迫登天哀
經率土顧茲節惠爰命儒臣詳觀考行之文允協易名之典質於
有眾無爽至公伏請依宗諤所議上同

閏五月八日禮儀使言奉謚冊告於萬安殿檢會孝明故事上謚
冊曰不輟朝明德皇后上謚冊曰羣臣奉慰今請其日皇帝前殿
不座放朝六月十五日靈駕在路望許羣臣奉慰二十六日神主
到京日亦請不視事七月一日雖園陵禮畢緣在未祔廟之前亦
望前殿不坐放朝並從之上同

十三日攝太尉宰臣王旦奉謚冊告於萬安宮攝中書令知制誥
朱異讀冊冊文曰皇帝若曰后妃之德風化之源法垂象於四
星叶休符於五鹿生則建長秋之位取諸漢儀沒則按彤管之書

定其周誥所以循節惠之前典表飭終之異數大行皇后郭氏坤
元毓粹月魄淪精出金沈之華宗集玉衣之瑞命元雲入戶素槐
於神休吉夢捫天果歸於帝室逮事先聖祇若皇姑儼朱邸以開
榮進畫堂而增峻粵繼大統乃陟中宮服以螭虎之鈿虎以椒蘭
之殿鐘鼓之盛禮河洲之詠作而能含章體順率禮蹈和厚德無
疆謙光載路言可復於圖史動必中於珩璜避濯龍之遊恬淡特
立引貫魚之列優柔逮下抑制外族述宣陰教眷惟輔助屬在賢
明方當節用去奢正始敦本先蠶致饗率職於絃紋藉田歲事贊
獻於種稂而祥符素柰繫結元埤嬰進賢之心憂勤成疾虧勿樂
之喜奄忽冥升羽蓋虛陳瑤齋罷宴禕禕弗御璋璫空存掩軒曜
之光芒失塗山之翼贊悲經戚里哀動掖庭池綽講儀園陵卜吉
元徒斯具練日惟良司典上言追崇克允載詢公議式責徽章今
遣攝太尉工部尚書平章事王旦冊諡曰莊穆皇后垂芳竹帛著
範壺闡永閔音容良深軫悼嗚呼哀哉

二十九日啟攬宮羣臣裹服諸軍將校常服臨於萬安宮帝親臨

酌奠羣臣奉慰

同上

六月八日靈駕發引帝素服行遣奠之禮攝中書令翰林學士李

宗鷄讀哀冊 冊文曰維景德四年歲次丁未四月丁卯朔十五

日辛巳大行皇后郭氏崩於萬歲殿之後殿有司奏謚曰莊穆以

其年六月乙未朔二十一日乙卯將遷座於靈臺禮也朱火昏中

靈輜風駕慘畫月於素旗咽悲風於廣廈皇帝軫深懷於丙殿痛

淑德於長秋感璧臺之不過嗟黼帳之將收降輟輟賓階親臨祖

饋爰詔詞臣奉揚遺懿其詞曰厚德載物至哉坤元著明垂象倬

彼星軒闢睢教始倪天禮畢尊章明內治啟迪化元源康虞休辰

運終鍾元聖諸夏宅心三靈眷命稽若前經述宣內令玉璽疏榮

蘭闥布政文昭賁冑號眾仲道枝家承金允祥開翠衣葛華瑞命

芹菜聲詩女圖是憲象服攸宜列邸承化東朝作儼言無出閭義

敦主饋塗山翼贊周姜思媚譽藹掖庭禮均娣姒允升中壺寅奉

皇姑承顏左右上食朝晡禮待陰郭輔佐唐虞嬪風戴穆陰教誕
敷厭翟斯皇濯龍希從江漢化行祥禴禮重薄氏仁善靡微思寵
大家經書習聞雅頌外戚東訓謙冲靜退嬪御懷仁祝延飲酌半
楚啟邦罔循私愛哀紀舊章尚辭封拜陪遊溫洛致孝南陵親易
脂澤躬薦菜盛帝車來復肫醢載盈露生椒掖災緣玉京嗚呼哀
哉顧免淪輝騰龍蹙彩地震芳輿人謠素柰西山藥兮杳無期聚
窟香兮不可待歎駕逝兮靡留玉音琤兮如在金釭凝兮夜何長
白駒度兮時易改中庭悽兮綠草生洞戶寂兮流塵晦嗚呼哀哉
宸居愴悼戚里悲傷痛深臣妾哀極嬪諫蘭宮兮女史闡蘭館兮
公桑掩遺書兮無後視念故劍兮何時忘閔珠襦兮畫梓溫銀海
兮元堂望懿藩兮畢陌從先后兮嗚呼哀哉統五鼓兮嚴城曉儼
六衣兮清吹度陳慙冊兮祖庭咽邊簫兮上路灑涕兮重瞳吞聲
兮長御背直城而右轉厯重岡而遐驚溯迤邐之周京指蕭條之
鞏固嗚呼哀哉陵園黯兮將閉景象淒兮若秋瞻樂宮兮永歎覽

雲屋兮增愁畢九虞兮紉營魄節一惠兮聞大猷挹遺芳兮彤管
諸賢德兮河洲涼音徽之不泯職載祀以彌休嗚呼哀哉帝就

次釋服還宮羣臣諸軍將校表服設祭道左奉辭於順天門外還

詣閤門進名奉慰

同上

二十一日葬永熙陵之西北羣臣奉慰

同上

二十三日太常禮院言虞主至京羣臣出城奉迎其祔謁太廟行

事官已受誓誡請不赴立班其日及卒哭請特放朝參並從之

同上

二十六日不視朝虞主至京文武羣臣迎於順天門外奉安瓊林

苑以九虞未畢故也

同上

二十七日賜園陵大禮使宰臣王旦休假三日禮儀使而下行事

官各三日應園陵行事官器帛有差

同上

七月三日不視事有司奉神主自瓊林苑謁太廟祔饗於昭憲皇

后饗畢祔別廟羣臣奉慰先是禮儀使言乾德中祔孝明孝惠皇

后於畢廟同殿異室有司言孝明正宮位壺宜居上孝惠追號次

之其廟室請準太廟以西為上詔從其議今莊懷皇后雖先廟饗
本自追崇莊穆皇后正位宮壺母儀天下其神主祔廟望依禮例
遷於上室從之上同

大中祥符元年三月二十一日帝以后喪修及期年議撤宮中所
奉几筵訪於宰臣且言孝明再期而徹王且曰若以虞練事神既
葬祔廟則几筵之設非也然國家孝明上仙已用家人之禮行之
三載莊穆母儀天下十年酌於人情宜守故事王欽若等曰几筵
之設典禮所無況及期年徹之可也帝曰但以情所不忍耳陳堯
叟曰中宮不可虛位若建長秋而莊穆几筵尚在於禮難安帝曰
萬安宮宮中自亦遠於正寢况人尋服尋已宮除晨夕供養無哭
泣之哀且禮沿人情國朝已來素行此禮朕守祖宗故事便議除
去豈為禮意乎遂至再期而徹上同

四月十五日帝不視朝以喪始期也羣臣奉慰上同
二年四月十五日大祥詔特廢朝羣臣奉慰先是訪於禮官言禮

文不載故特下詔